

GO KGETHA MONYALWA



Batho ba bantši ba go babja. Nka se kgone go ya go bona ka moka gatee. Eupša, theetsšang.

² Ka nnete ke thabile go ba mo gape, bošego bjo, ka otithoriamong ye botse ye, magareng ga sehlopha se sa go makatša sa batho. Gomme re be re etla ka gare, ntle kua, dinakwana di se kae tša go feta, batho ba eme ntle seterateng ba rile ga se ba kgona go tsena ka gare. Gomme ke ile ka re, “Go lokile, mohlomongwe nka kgona go le hweletša kamora.” Gomme ga se ba ba dumelela go tla tlase. Ka fao ke kgopela tshwarelo ga re na le kamora ya go lekana ya bona. Ba re bofase bo be bo tletše, le bjona. Gomme ka fao re kgopela tshwarelo ka seo. Eupša re thabetše go ba mo, gomme re thabetše go bona sehlopha se sekaone se sa badiredi, banna ba kgwebo mo, le ka moka ga lena baemedi go tšwa go dikarolo tša go fapana tša naga.

³ Ke bile le monyetla wo mobotse wa go bolela mosong wo difihlolong, wo ka nnete ke o tšeelago godimo go ba tlhompho go bolela pele ga batho ba bakaone bale. Ke be ke le thutong ya: *Mooko O Ka Se Be Mojabohwa Le Korong*. Ga se ka fihla go e fetša. Gomme e be e se ya—ya ngwanešu phošo. O lekile go hwetša ba taolo gore ba re dumelele go dula boteleletelele ga nnyane, eupša o ile a no se kgone go e dira. Ka nnete ke leboga seo, Ngwanešu Demos. Seo ke kudu, kudu se sekaone. Ka nnete ke le leboga ka mabobo a lena, yo mongwe le yo mongwe yo motee. Eupša ba ile ba no se re dumelele go e dira. Ka fao re ile ra no swanelwa—ra swanelwa ke go tswalela go tloga. Ke tla topela woo godimo, nako ye nngwe, go fetša woo: *Mooko O Ka Se Be Mojabohwa Le Korong*. A le o kwešišitše, lena ba le bego le le mo? [Phuthego e re, “Amene.”—Mor.] Ke a holofela fao ebile go lekanela mo go bego go ka kgona go kwešišwa.

⁴ Bjale, ke a tseba, bošego bjo, go na le sehlopha sa kahlolo, gape, ka fao ga ke nyake go le swarelela mo botelele go lekanela gore le foše yeo. Ka gore, ke a nagana gore ka nnete e be e le thoto go—go batho ba ba dumelago ba Pentecostal, sehlopha sela sa kahlolo re se bone bošego bjo bongwe. Sehlopha se sekaone sa banna, dikarabo tša go makatša, go otlologa. E ntirile go ikwela gabotse ka nnete, go bona seo. Ke a tshepa gore Morena o tla se šegofatša, bošego bjo. Gomme bo mang kapa bo mang ba ba lebelelago, a nke ba dumele. Yeo e tla ba thapelo ya ka ya tlhokofalo.

⁵ Gomme ka fao dipego tše ntši di tlile ka gare, lehono, go tšwa posong le ka dipitšo, ka ba bantši bao ba fodišitšwego ka kopanong ye. Ke be ke thabetše seo. Seo, seo, ke go bona batho ba babja, woo ke mohuta wa bodiredi bja ka.

6 Ke—ke emela godimo mo go rera. Ke, le a tseba, ga ke moreri. Eupša nna, ka ye, popopolelo ya ka ya Kentucky, “ya gagwe, ga a” le—le ka moka mantšu ao, ka fao nka—nka se kgone go bolela bjalo ka yo re mmitšago moreri wa sebjalebjae wa lehono. Nka—nka se kgone go tšea lefelo leo, ka gore ga—ga ke na le thuto.

7 Eupša ke rata go hlaga se ke se tsebago ka Lona, go ba bangwe, goba se ke ikwelago gore ke a se tseba ka Lona, go ba bangwe, ka fao ke ithutilego Lona, ka fao A lego ka gona go nna. Yena ke ka moka bophelo bja ka, ka moka nka kgonago go tsoge ka letela go ba sona, le bontši go fetiša se ke ilego ka se gopola, seo ke ilego ka tsoge ka ba le mogwera, go se kgonege, lefaseng, ge ke be ke sa le mošemane yo monnyane. Eupša ka nnete ke leboga kudu ka bagwera ba bagolo lehono.

8 Ke . . . [Ngwanešu o re, “Re na le bothata bjo bonnyane bja go kwa morago kua, Ngwanešu Branham. Eya kgauswiuswi.”—Mor.] Oo, ke kgopela tshwarelo. Ke—ke tšwele ponagalong ka mokgwa wo mongwe fa, felotsoko, o boletše.

9 Bjale, go ya thwi go otlologa ka go tirelo, a re retologeleng go dipalo tša Lengwalo. Ka—ka mehla ke rata go bala Beibele, ka gore Ke Lentšu la Modimo. Ke dumela seo. Gomme ke E dumela go ba Lentšu la Modimo le le sa feilego. Gomme bjale ke na le Mangwalo a se makae a ngwadilwe fase mo, le dinoutse tšeo ke nyakago go šupa go tšona, dinakwana di se kae, mohlomongwe lebaka la metsotso ye masomenne tlhano.

10 Ka gona re tla tšwela ntle ka nako go ya go bona lekgotla le la kahlolo la go makatša gape bošego bjo. Gomme ke a tšhepa gore Modimo o tla tšwela pele go le šegofatša thwi go kgabola. Gomme ke tseba se le swanetšego go se dira. Gomme ke swanetše go otlela go ya Tucson, go le bjalo, bošego bjo, le a bona, ka fao o ka kgona go eleletša. Moo ke go otlela ga diiri tše lesome.

11 Gomme ke tloga go ya mošwamawatlle, gomme ke swanetše go hwetša tlhabelo ya mokgohlwane wo mokheri tekong mosong ka mmušong. Ka fao ke—ke swanetše go ya ka kua. Ke bile le go fega, letšatši le lengwe, gomme ga ba ye go tšea karabo ya “aowa” gape bjale. Gomme ke na le ye tee ya go gogega ga mešifa le lenta go e hlabela, le dimatlafatši tša ka.

12 Ka fao, ke leboga kudu sebakabotse se, le—le kopano ye kaone ye re bilego le yona pele ga khonferentshe. Ka nnete e thabišitše pelo ya ka. Le sehlopha se sekaone sa batho. Ke a tšhepa gore Modimo o tla le šegofatša.

13 Ge iri ye kgolo e kilego . . . Nnono ye kgolo yela e robetšego godimo ka kua, ye ya go iphufišetša ka boyona godimo ka Alaska, matšatši a se makae a go feta, e lahletše mosela wa yona godimo gape mosong wo, mmogo e ka ba, tlase tikologong ka Washington. A ka kgona go lebanya tseleng ye, ka maatla bonolo. Gomme ge Moya wo Mokgethwa o mpošša ka go hlathologa . . .

14 Yo mongwe o be a araba . . . a mpotšiša seo, “A se ya go direga mo, Ngwanešu Branham?” Aowa, ga ke tsebe seo. Ke no se tsebe, go fihla ke tseba. Yeo ke therešo.

15 Ka mehla ke nyaka go botega go lena. Ge ke no ya go nagana, go tšea dikgopolo tše di itšego, goba se sengwe, se ke se dumelago, goba selo se sengwe go swana le seo. Ge ke le botša, se ya go ba. Go lokile, O swanetše go mpotša, pele, gomme ka gona ke tla le botša. Ke—ke a tseba lefase lohle le seemong sa go roromela. Re nakong ya mafelelo. Eupša selo se setee ke lekilego go ba sona . . .

16 Ngwanešu Shakariana o be a bolela mosong wo, ka fao a bego a fela a eya go kgabola methalo ya thapelo, le go fihla tlase kua le go hwetša dikarata tšeo pele batho ba be ba ka tla godimo, le go di lebelela, le go bona ge eba—ge eba ke be ke ba boditše se ba bego ba se ngwadile ntle kua. Ba ngwala ka moka dilo tša go fapana godimo ga dikarata tša bona, le a tseba, gomme o be a no nyaka go bona ge eba e be e ele therešo. O rile, go tšwa go makgolo tše a di hlahlofilego, fao go be go se ye tee ya go fošagala. [Ngwanešu Shakarian o re, “Ga go le e tee ya go fošagala.”—Mor.] Fao go ka se tsoge gwa ba e tee ya go fošagala, le a bona, ka gore, ge—ge feela e le Modimo. Ge nka tsoge ka itšweletša ka bonna ka go yona, gona e phošetše fao sa mathomo.

17 Mosetsana yo monnyane yo tatagwe a dutšego, a ntheeditše bjale, o tlile go nna, e sego kgale go fetile. O bile le toro. O rile, “Ngwanešu Branham, toro ye e ra go reng?”

18 Ke ile ka re, “Ga ke tsebe, kgaetšedi. Ke tla swanelwa ke go hwetša ntle, ge Morena a ka mpotša.” Ka fao ke ile pele gomme ka leka go botšiša Morena, gomme Yena ga se a ke a mpotša.

19 Mosetsana yo monnyane o tlile morago gape. O ile a re, “Go lokile, bjale tlhathollo ya toro ya ka e kae?”

20 Ke ile ka re, “Etle mo, hani, dula fase.” Ke ile ka re, “Tatago le mmago ke bagwera baka ba go loka. Le a bona? Gomme ba tlile tsela ka moka go tšwa Canada, ba rotše modiro, gomme ba tlile mo le nna. Ba dumela se, seo ke lekago go se bolela. Gomme ga se ka ke ka bolela eng kapa eng sa phošo go mang kapa mang, ka boomo, ka bophelong bja ka. Ge ke . . . ke nagana gore ke tseba se toro e se bolelago. Eupša go fihla ke bona toro ka bonna, gomme ka gona A mpotša se e se bolelago, nka se kgone go go botša. Le a bona, ge ke no dira selo se sengwe, fao go ka ba nako moo o bego o nnyaka gare ga bophelo le lehu, gomme ka gona ga se wa ke wa tseba ge eba go ntumela goba aowa.”

21 Ge ke go botša eng kapa eng Leineng la Morena, ka therešo ke seo. Yoo ke Yena a mpoditšego seo. Gomme bokgale bjo, go ka moka mengwaga ye, go kgabola lefase ka moka, le go dikologa lefase, Lona ga se la ke la fošagala nako e tee. Ka gore . . . Gomme, bjale, le a tseba motho a ka se kgone go se palelwe ka mokgwa woo. Go tšea Moya wa Modimo go dira seo.

²² Gomme bjale ke na le Molaetša wo ke rwelego boikarabelo ka wona. Gomme dinako tše ntši ke be ke tšewa, magareng ga batho, go lokile, mohlomongwe yo motee yo a sego a no dula fase gomme a nagana motsotso, gore ke be ke le—le, oo, motho wa go befa, yo a bego a sa rate batho, gomme ke be ka mehla ke ba ripaganya. Gomme seo ga se bjalo. Seo ga se bjalo. Ke rata batho. Eupša, le a tseba, lerato le a phošolla.

²³ Ge mošemane wa gago yo monnyane a be a dutše seterateng ntle kua, gomme wa re, “Junior, morategi, ga ke go nyake ntle kua, eupša . . .” Gomme dikoloi di bobola go feta go yena, gomme o mo tlišitše ka gare. O kitimela morago ka ntle gape. Ka baka la eng, o swanetše go mo phošolla. Ge o mo rata, o tla dira. O swanetše.

²⁴ Ge o bona monna a phaphametše go theoga noka, go lebanya diphororo, ka sekepe se sennyane, mo o tsebago gore sekepe se be se eya go nwelela ge a itia diphororo, a o ka re, “John, wena, mohlomongwe o swanetše go nagana lebakana, mohlomongwe o ka no se e dire”? Ge ke tseba gore ga a ye go e dira, ke ya go mo ubulela ka ntle ga sekepe, ge nka kgona, ka gore ke lerato le dirago seo.

²⁵ Gomme bjale, ka go Melaetša ye ke e bolelago, ga ke leke go tliša thuto ye e itšego ka gare, goba go ya pele. Ke—ke dira seo ka go kereke ya ka mong. Eupša ntle mo magareng ga banna le basadi ba e lego ba dikereke tša maina tša go fapana le dikgopolo tša go fapana, ke no leka go tšea sebopego sa magareng, go hlatholla; eupša go lekanela go ya mo e lego gore ge o tswetšwe ke Moya wa Modimo, ke a dumela le tla kwešiša se ke se rago, magareng ga banna ba Bakriste, Methodist, Baptist, Presbyterian, eng go fetiša.

²⁶ Bjale, bošego bjo, ke nyaka go bula go Genesi, ya 24 tema. Ke nyaka go bala . . . go thoma ka ya 12 temana ya ya 24 tema ya Genesi.

Gomme a re, O MORENA Modimo . . . mong wa ka Abraham, ke a go rapela, nthomele lebelo le lebotse letšatši le, gomme laetša botho go mong wa ka Abraham.

Bona, ke eme mo sedibeng sa meetse; gomme barwedi ba batho ba toropokgolo ba tla ntle go ga meetse:

Gomme a go tle go phethega, gore kgarebjana ye ke tlogo gore go yena, Sekamiša moeta, ke a go kgopela, gore ke nwe; gomme a re, Enwa, gomme ke tla fa dikamela tša gago seno le tšona: a nke yo a swanago e be yena yo o mmeeleleditšego Isaka mohlanka wa gago; gomme ka seo ke tla tseba gore o ntaeditše botho go . . . go mong wa ka.

²⁷ Gomme ka gona ka go Puku ya Kutollo. Ye ke ya mathomo ya Beibele, Genesi. Bjale, ka mafelelong a Beibele, ke nyaka go bala ka go ya 21 tema ya Kutollo, gomme ya 9 temana.

28 Re tseba se Lengwalo le la Genesi mo . . . Balang tema yohle, ge le nyaka. Ke Modimo a roma Eliasara ntle. Goba, Abraham a roma Eliasara ntle, ntshwareleng, go hlaolela Isaka monyalwa. Gomme Rebeka yo mobotse o ile a tla ntle, gomme ka go karabo ya go phethagala ya thapelo yeo—ye Eliasara, mohlanka wa Abraham, a bego a sa tšwa go e rapela.

Bjale ka go ya 9 temana ya ya 21 tema Kutollo.

Gomme fao go tlile go nna yo motee wa barongwa ba šupa ba bego ba swere moruswi ye šupa e tletše dikotlo tše šupa tša mafelelo, gomme a bolela le nna, a re, Etna mono, gomme ke tla go laetša monyalwa, mosadi wa Kwana.

29 Bjale ke nyaka go tšea bakeng sa thuto, bošego bjo, bakeng sa yeo: *Go Kgetha Monyalwa*. Gomme ye ke, ge ngwanešu yo a gatiša mo a ka, ye ke theipi ye o ka yago pele gomme wa e lokollela ntle.

30 Gomme bjale, ka go ye, ga e re tlwa gore ke bolela se go phuthego ye e lego gona, eupša ditheipi tše di ya go dikologa lefase. Di fetolelwa ka go, go direga, oo, karolo ye kgolo ya maleme, le ka go dinaga tša bohetene go dikologa lefase. Re romela tšona ditheipi, mahala, go setšhaba sa kereke. Gomme di a fetolelwa. Gomme ka moka ntle go kgabola dithokgwa tša Afrika, le go ya India, le go dikologa lefase, ditheipi tše di a ya.

Bjale, go kgetha Monyalwa!

31 Ka go dilo tše ntši tša bophelo re fiwa kgetho. Tsela ya bophelo, ka boyona, ke kgetho. Re na le tokelo go dira tsela ya rena beng, go kgetha tsela ya rena beng ye re nyakago go e phela.

32 Thuto ke kgetho. Re kgona go kgetha ge eba re ya go rutega, goba ge eba ga re ye go rutega. Yeo ke kgetho ye re nago le yona.

33 Go nepagala le go fošagala ke kgetho. Monna yo mongwe le yo mongwe, mosadi yo mongwe le yo mongwe, mošemane le mosetsana, ba swanetše go kgetha ge eba ba ya go leka go phela gabotse goba e sego go phela gabotse. Ke kgetho.

Kgetho ke selo se segolo.

34 Mafelelo a gago a ka Gosafelego ke kgetho. Gomme mohlomongwe, bošego bjo, ba bangwe ba lena ba tla dira yeo—yeo kgetho, ya mo o yago go fetša Bokagosafelego, pele tirelo ye e fela bošego bjo. Fao go tla ba nako e tee, yeo, ge o gana Modimo nako ye ntši, fao go tla ba nako e tee o tlogo go Mo gana nako ya mafelelelo. Fao go mothalo gare ga kgaugelo le kahlolo. Gomme ke selo sa kotsi go monna goba mosadi, mošemane goba mosetsana, go gata go kgabaganya mothalo woo, ka gore fao ga go sa le go bowa ge o gata go kgabaganya mothalo woo wa lehu. Ka fao, bošego bjo, e ka no ba nako gore ba bantši ba tla dira ya bona—ya bona kgetho, moo ba tlogo go fetša Bokagosafelego bja go hloka magomo.

35 Fao go kgetho ye nngwe ye re nago nayo ka bophelong, yeo ke, mogwera wa bophelo. Monna yo moswa goba mosadi yo moswa, a gatelago ntle bophelong, o—o filwe tokelo ya go dira kgetho. Monna yo moswa o a kgetha. Mosadi yo moswa o na le tokelo ya go amogela goba go e gana. Eupša e sa le kgetho, ka mahlakoreng a mabedi. Bobedi monna le mosadi, ba na le tokelo ya kgetho.

Gape, o na le kgetho, bjalo ka Mokriste.

36 O na le kgetho ya kereke, ka mo Amerika, bokgole bjo, bjoo o ka kgonago go ya. Woo ke monyetla wa gago wa Amerika, go kgetha kereke ye nngwe le ye nngwe o ka bago wa yona. Yeo ke kgetho. Ga wa swanela go ya go ye e itšego ya tšona, ge o sa nyake go ya. Eupša ge o nyaka go fetola go tšwa go Methodist go ya go Baptist, goba Katoliki go ya go Protestant, goba go ya pele, ga go motho a ka kgonago go go botša goba go go dira o tle go kereke ye ye nngwe ye e itšego. Yeo ke ya rena—yeo ke ya rena tokologo. Yeo ke se temokrasi ya rena e lego sona. Monna yo mongwe le yo mongwe o kgona go ikgethela ka boyena. Tokologo ya bodumedi, gomme seo ke—ke selo se segolo. Modimo re thuše go e boloka botelele ka mo re ka kgonago.

37 Gape o na le kgetho. Ge eba . . . Ge o kgetha kereke ye, o ka kgona go kgetha ge eba o, ka kerekeng ye, ge eba o tla kgetha kereke ye e tlogo go go hlahla go ya go mafelelo a ka Gosafelego. O ka kgona go kgetha kereke ye e nago le thutotumelo ye e itšego, ye o naganago gore thutotumelo yeo e no ba se o se nyakago. Goba, kereke ye nngwe e na le thutotumelo ya bona.

38 Gomme ka gona fao go Lentšu la Modimo, o swanetše go le kgetha. O swanetše go dira kgetho.

Fao go molao wo o sego wa ngwalwa magareng ga rena, wa go kgetha.

39 Ke a dumela e be e le Eliya, nako ye tee, godimo ga Thaba ya Karamele, ka morago ga makgaolakang, ka iring ye kgolo ya tlhakahlakano ye re lego kgauswi le go tla go yona thwi bjale. Mohlomongwe, e ka no ba go wena goba nna, bošego bjo, gore re dira kgetho ye, go swana le boitemogelo bja Thaba ya Karamele. Gabotse, ke nagana gore e ya pele, lefaseng tšekelele, bjale. Eupša fao ka pela go tla ba nako fao o tla swanelago ke go dira kgetho.

40 Gomme lena banna mo, ba dikereke tša lena tša maina, e nong go dumela se, gore iri e thwi godimo ga lena, ge le eya go dira kgetho. E ba gore le ya go ya ka go Khantshela ya Lefase, goba ga le ye go ba kereke ya leina gape. Le ya go swanelwa ke go dira seo, gomme kgetho yeo e tla ka pela.

41 Gomme ke selo sa kotsi go leta go fihla iri yela ya mafelelo, le gona, ka gore o ka tšea selo se sengwe se o ka se kgonego go šišinyega go tšwela ka ntle ga sona. Le a tseba, fao go nako ye o ka kgonago go sebotšwa, ka gona, ge o ka gata go

kgabaganya mothalo woo wa tshebotšo, gona o šetše o swaetšwe ka lehlakoreng le lengwe, o swailwe.

⁴² Elelwang, ge ngwaga wa khunologo o etla, gomme mo—mo moprista o be a otlela ka phalafala ya gagwe e lla, gore lekgoba le lengwe le le lengwe le be le ka ya le lokologile. Eupša ge ba ganne go amogela tokologo ya bona, gona o be a swanelwa ke go tšeelwa tempeleng, koteng, gomme lemao le mo thubula go kgabola tsebe, gomme ka gona o be a direla mong wa gagwe ka mehla. Le be le bewa tsebung ya gagwe bjalo ka seswantšho, sa go kwa. “Tumelo e tla ka go kwa.” O kwele phalafala yela, eupša ga se a nyaka go e theetša.

⁴³ Gomme nako ye ntši, banna le basadi ba kwa Therešo ya Modimo, le go E bona e hlatselwa le go netefatšwa, Therešo, eupša go le bjalo ga ba nyake go E kwa. Fao go na le lebaka le lengwe. Fao go kgetho ye nngwe ye ba nago le yona, go feta go lebana godimo le Therešo le dintlha, ka fao ditsebe tša bona di ka kgonagone go tswalelwa go Ebangedi. Ba ka se tsoge ba E kwa gape. Keletšo ya ka go wena, ge Modimo a bolela le pelo ya gago, o dire gabotse nako yeo.

⁴⁴ Eliya o ile a ba fa kgetho, yeo ba bego ba swanetše: “Kgethang letšatši le yo le tlogo go mo direla. Ge Modimo e le Modimo, direlang Yena. Eupša ge Baali e le Modimo, direlang yena.”

⁴⁵ Bjale, ka ge re bona gore ka moka dilo tša tlhago ke seswantšho sa dilo tša semoya, bjalo ka ge re ile go e kgabola ka thutong ye rena mosong wo, bjalo ka letšatši le tlhago ya lona. Yeo e be e le Beibele ya ka ya mathomo. Pele ga ge ke bala letlakala ka Beibeleng, ke tsebile Modimo. Ka gore, Beibele e ngwadilwe gohle ka tlhagong, gomme e no kwana le Lentšu la Modimo: ka fao lehu, poloko, tsogo ya tlhago; gomme letšatši le a hlaba, la kgabaganya, la dikela, go hwa, go tsoga gape. Fao go dilo tše ntši kudu tše re ka swantšhago, Modimo tlhagong, tše re di fetago, tša Molaetša wo.

⁴⁶ Bjale, ge tša semoya, goba, tlhago ke seswantšho sa tša semoya, ka gona, go kgetha monyalwa, ka tlhagong, ke seswantšho sa go kgetha Monyalwa, Monyalwa, ka semoyeng.

⁴⁷ Bjale, ke selo se se fadilego ge re eya go kgetha mosadi, monna, ka gore dikeno mo ke go fihla re aroganywa ke lehu. Yeo ke ka mokgwa wo re swanetšego go e boloka ka wona. Gomme o tšea keno yeo pele ga Modimo, gore ke lehu feela le ka le aroganyago. Gomme ke nagana gore re swanetše. . . Monna ka monaganong wa gagwe wa maleba, yo a beakanyetšago bokamoso, gore o swanetše go kgetha mosadi yoo ka tlhokomelo kudu. O hlokomele se o se dirago. Gomme mosadi yo a kgethago monna, goba a amogela kgetho ya monna, o swanetše go hlokomela ka nnete se a se dirago, gomme gagolo ka matšatšing

a. Monna o swanetše go nagana le go rapela pele a kgetha mosadi.

⁴⁸ Ke a nagana, lehono, ke se re nago le melato ya tlhalo ye mentši bjale, yeo re etetšego lefase pele ka Amerika, ka melato ya tlhalo. Re eteletše lefase lohle pele. Go ditlhalo tše ntši mo go feta kae kapa kae gape, setšhaba se, gomme se swanetše go ba, se gopolwa go ba, setšhaba sa Bokriste. A kgobogo, dikgoro tša rena tša tlhalo! Ke a nagana, lebaka la yona, ke ka baka la gore banna ba tlogile go Modimo, le basadi ba tlogile go Modimo.

⁴⁹ Gomme re hwetša, gore, ge monna a rapetše le mosadi a rapetše godimo ga taba; e sego go no lebelela sete ya mahlo a mabotse, goba magetla a magolo a go tia, goba sa go swana le seo, goba lerato le lengwe le le itšego la lefase; eupša o tla lebelela pele go Modimo, gomme a re, “Modimo, a ye ke peakanyo ya Gago?”

⁵⁰ Ke nagana, lehono, fao go na le go radiana mo gontši kudu, go no swana le ka sekolong. Ge—ge digotlane di etla kgauswi, mosong, tše dintši tša digotlane ka boagišaneng, bao—bao e lego bagwera ba ka, ba tla tla go feta gomme ba re, “Ngwanešu Branham, a o ka re rapelela? Re na le mo—mo molekwana lehono. Ke—ke šomile bošego ka moka, gomme ga ke bonale gore ke tla kgona—kgona go e dira e rarologe. Nthapelele.” Ke nagana gore segotlane se sengwe le se sengwe sa sekolo, ge o ka dira, ge. . . Gomme batswadi tafoleng ya moso: o ka kgona gore, “Mme, John o na le molekwana lehono. A re mo rapelele bjale.” Ke nagana gore e tla itia ka moka o ka kgonago go ke wa di dira ka ye nngwe tsela, goba go lebelela godimo go ya yo mongwe gape pampiri le go radia. Ke nagana gore ge o no tla ntle le go rapelela taba.

⁵¹ Gomme ge re ka ithuta se re se dirago ge re e ya go nyala, ge re kgetha mosadi wa rena, monna wa rena, ge re ka ithuta yona gape! Monna o swanetše go rapela a tiišitše, ka gore a ka senya bophelo bjohle bja gagwe. Elelwang, keno ke “go fihla lehu le re aroganya,” gomme a ka kgona go senya bophelo bja gagwe ka go dira kgetho ya go fošagala. Eupša ge a tseba seo, gomme yena a dira kgetho ya go fošagala gomme a nyala mosadi yo a sego a swanela go ba mosadi wa gagwe, gomme o a e dira le ge go le bjalo, gona ke phošo ya gagwe. Ge mosadi a tšea monna gomme a tseba gore ga a swanela go ba monna go wena, gona yeo ke phošo ya gago mong, ka morago ga ge o tseba se e lego sa maleba le sa go fošagala. Ka fao, ga wa swanela go se dira go fihla o rapetše ka go tseenelela go kgabola.

⁵² Selo se se swana le go kgetha kereke. Bjale, o swanetše go rapelela kereke ye o kopanelago ka go yona. Elelwang, dikereke di rwa! moya.

⁵³ Bjale, ga ke nyake go swaswalatša. Eupša ke a lemoga gore ke nna monna wa mokgalabje, gomme ke swanetše go tloga mo, le letee la matšatši a. Gomme ke swanetše go araba ka Letšatši

la Kahlolo ka se ke se bolelago bošego bjo goba nako ye nngwe ye e itšego. Gomme Nna, ka fao, ke swanetše go ba le netefatšo wa go hwa le go fenyega ka therešo.

⁵⁴ Eupša, o ya ka kerekeng, gomme ge o ka hlokomela boitshwaro bja kereke yeo, wa no hlokomela modiša lebakana, gomme ka mehla o tla hwetša gore kereke e dira bjalo ka modiša. Dinako tše dingwe, ke a makala ge eba re no se hwetša moya wa yo motee seng sa rena legatong la Moya wo Mokgethwa. O fihla lefelong mo modiša e lego legwaragwa ka nnete le go ya pele, o hwetša ntle phuthego le yona e le ka tsela ye e swanago. Ke tla le tliša go kereke mo ke bonego modiša a ema, a kgothulela hlogo morago le pele. Lena hlokomelang phuthego, ba dira selo sa go swana. Lena tšeang modiša, yo a metšago eng kapa eng go theoga, ka tlwaelo phuthego e tla dira selo se se swanago. Ka fao, ge ke be ke kgetha kereke, ke be ke tla kgetha ya mmapaale, ya motheo, ya Ebangedi ya go Tlala, kereke ya Beibele, ge ke be ke kgetha ye tee go bea lapa la ka ka go yona. Go kgetha. Ke lebeletše. . .

⁵⁵ Bašemane, letšatši le lengwe, morwa le mokgonyana wa Ngwanešu Shakarian, ba ntšere go ya godimo go rapelela mothaka yo moswa, moopedi, mošemane wa sethakga. Go no bowa morago. . . Fred Barker, leo e be e le leina la gagwe, o be a sa tšwa go tla morago go bowa leeto. Gomme ba ile ba mpitša, gore, “Fred o be a ehwa.” Gomme ka gona, pele ke be nka kgona go tsena ka ntlong, molaetša wo mongwe wa tla, “A ka no ba a hwile thwi bjale.” Gomme o rile o bile le tšhologo ya madi ka bjokong, gomme o be a golofetše, gomme—gomme o be a ehwa, gomme mosadi wa gagwe o be a nnyaka gore ke mo rapelele.

⁵⁶ Gomme ka gopola, “Oo, ge ke leka go fofa, o tla be a hwile pele ke fihla kua, gomme a ka no ba a hwile bjale.” Ka fao, ka bitša ka pela gomme ka hwetša mohumagadi yo monnyane mogaleng. Gomme—gomme ra dira kgokagano ya mogala godimo, le go tsebe ya Fred. O be a sa kgone go metša. Ba be ba mo file go metša ga maitirelo. Gomme ge re mo rapeletše, o ile a re, a laetša, e tšeeng go tloga mogolong wa gagwe. O be a kgona go metša. Dingaka ga se tša ke di e dumela. Ba ile ba e ntšhetša ntle, gomme o be a kgona go metša. O be a dutše godimo, letšatši le lengwe.

Kereke; go kgetha kereke.

⁵⁷ Pitšo ya mogala e sa tšwa go tla ka gare, lebakana la go feta. Mosong wo, leloko la kereke ya ka, yo ka nnete e lego mosadi wa Baptist go tšwa ka Louisville, o hwile ka leselaphutiana mosong wo. Gomme kereke ya ka ka gae, sehlopha sa nnete sa banna ba boineelo, ba ikgobokantše ka bobona mmogo gomme ba ya tlase, pele mmoloki a mo tšhela seela sa bahu, ba ema bogodimo ga gagwe, ba rapela go fihla bophelo bo bowa morago ka go yena. Gomme o a phela, bošego bjo. Bagolo ba kereke ya ka, ka baka

la eng, ba rutilwe go dumela gore ka moka dilo di a kgonagala, etla go Modimo ka tlhokofalo.

Ka fao, o swanetše go dira kgetho ya maleba.

⁵⁸ Gape, mohuta wa mosadi wo monna a tla mo kgethago, o tla bonagatša dikganyogo le semelo sa gagwe. Ge monna a kgetha mosadi wa go fošagala, e bonagatša semelo sa gagwe. Gomme se a itlemelelago go sona, se bonagatša ka therešo se se lego ka go yena. Mosadi o bonagatša se se lego ka go monna ge a mo kgetha go ba mosadi. Go laetša se se lego tlase ka go yena. Ga go kgathale ka se a se bolelago ka ntle, hlokomela se a se nyetšego.

⁵⁹ Ke ya ofising ya monna, gomme o re ke yena Mokriste; go na le dikgomaretšwa ka moka go dikologa godimo ga maboto, mmimo wola wa kgale wa pumpumpu o ya pele. Ga ke tshwenyega ka se a se bolelago. Ga ke dumele bopaki bja gagwe, ka gore moya wa gagwe o iphepa ka tšona dilo tša lefase. O, tla reng, ge a ka nyala mosetsana wa ditabanatabana, goba ge a ka nyala kgošigatšana ya thobalano, goba feela le le botsana, legotlwana la sebjalebja? E a bonagatša. E laetša se a nago naso ka monaganong wa gagwe, gore motse wa gagwe wa ka moso o ya go ba eng, ka gore o mo tšeetše go godiša bana ba gagwe ka yena. Gomme eng kapa eng e lego sona, ke ka tsela ye a tla godišago bana bao. Ka fao, se bonagatša se se lego ka go monna. Monna yo a tšeago mosadi wa go swana le wo, o laetša feela se a se naganago sa bokamoso.

⁶⁰ A o ka kgona go eleletša Mokriste a dira selo se sebjalo ka seo? Aowa, mohlomphegi. Nka se kgone. Mokriste wa therešo a ka se lebelele kgošigatšana tše bjalo tše botse, le basetsana ba ditabanatabana, le dikgošigatšana tša thobalano. O tla lebelela semelo sa Bokriste.

⁶¹ Bjale, o ka se kgone go ba le dilo ka moka. Fao go ka no ba mosetsana yo e lego yo mobotse ka nnete. Gomme mosetsana yo mongwe, mohlomongwe o . . . sebopego sa gagwe se lebege bokaonekaone go feta yo motee yo. Gomme o ka no tlogela yo motee bakeng sa yo mongwe, eupša, ge a se sebopego sa mohumagadi, sa mosadi. Gomme, o . . . Ga ke tshwenyega ge eba ke yo mobotse goba aowa. Bokaonekaone lebelela semelo sa gagwe, ge eba ke yo mobotse goba ga se yo mobotse.

⁶² Bjale, ka gore, go a tla, ge Mokriste a ka kgetha mosadi, o swanetše go kgetha wa mmapaale, wa go tswalwa-gape mosadi, go sa kgathale gore o lebege bjang. Ke se a lego sona, se se mo dirago. Gomme ka gona, gape, seo se bonagatša semelo sa gagwe mong sa bomodimo, le go bonagatša se se lego ka monaganong wa gagwe le se se yago go ba ka moso, ka gore lapa la gagwe le tla godišwa ke mosadi yo mobjalo, bakeng sa dipolane tša ka moso tša legae la gagwe.

⁶³ Ge a nyala yo motee wa dikatsana tše nnyane tše tša sebjalebja, kgošigatšana ya thobalano, a ka kgona go letela

eng? Ke mohuta mang wa legae monna a ka letelago go ba le lona? Ge a nyala mosetsana yo a nago maitshwaro a go lekanela ka yena go dula ka gae le go hlokomela ntlo, le go nyaka go šoma ka ntle ka ofising ya yo mongwe, ke mohuta mang wa mhlokomedi wa ntlo a tla bago yena? O tla ba le bafepi ba masea le se sengwe le se sengwe gape. Ke therešo.

64 Bjale, ga ke kudu go tatso ye ya sebjalebjaale, ya basadi ba go šoma. Ge ke bona basadi ba ba apere yunifomo, ba otlela go dikologa ka toropongkgolo, ka dithuthuthu, bjalo ka maphodisa, ke lenyatšo go toropokgolo efe kapa efe ye e ka dumelelago mosadi go dira seo. Le a bona? Le a bona? Bjalo ka ge banna ba bantši ba se na le mošomo, go laetša go nagana ga sebjalebjaale ga toropokgolo ya rena. Go laetša go nyatša. Ga ra swanela go ba le bona basadi ntle kua ka mokgwa woo. Ga ba na le mošomo ntle kua ka mokgwa woo.

65 Ge Modimo a file monna mosadi, O mo file selo se sekaonekaone kudu A kgonnego go mo fa sona, ka ntle ga phološo. Eupša ge yo motee a eya go leka go tšea legato la monna, gona o ba selo sa go befa kudu se a ka kgonago go se swara. Bjale, yeo ke therešo. Le a bona?

Bjale re ka kgona go bona sebolelwa ke moya.

66 Ke—ke a tseba seo ke se sebe, le nagana gore ke se sebe, eupša ke Therešo. Ga re tshwenyeye gore ke se sebe bjang, re swanetše go lebana le ntsha. Seo ke se Beibele e se rutago. Le a bona?

67 Bjale, re bona molaleng mo polane ya semoya, ya Modimo a polanela Legae la Gagwe la ka moso le Monyalwa wa Gagwe wa ka moso, e tla ponagalong bjale.

68 Ge monna a nyala kgošigatšana ya thobalano, le bona se a se lebeletšego sa bokamoso. Ge monna a nyala mosadi yo a ka se dulego gae, le bona se a se lebeletšego sa bokamoso. Gomme nako e tee ke . . .

69 Se se kwagala go befa. Ke no ikwela go se bolela. Gomme ke—ke, ka mehla, ge ke ikwela go bolela selo, ke swanetše go se bolela. Gomme ka mehla ke tsela ya Modimo.

70 Ke—ke be ke fele ke eya le morui yo ke bego ke šoma le yena, go reka mohlape. Ke ile ka ela moisa wa go tšofala hloko ka mehla a lebelela thwi ka sefahlegong sa sethole pele a eya go phenkgišana ka theko. Ka gona a retolla hlogo ya gagwe, gomme a lebelela morago le pele. Ke mo latetše mmogo, ka mo hlokomela. Gomme a mo lebelela godimo le fase, ge a lebega ka moka gabotse, sebopego. Ka gona a retologa a lebelela sefahlego sa gagwe, gomme nako ye nngwe o be a tla šišinya hlogo ya gagwe gomme a sepele go tloga.

Ke ile ka re, “Jeff, ke nyaka go go botšiša selo se sengwe.”

A re, “Bolela, Bill.”

71 Gomme ke ile ka re, “Ka baka la eng ka mehla o lebelela kgomotshadi yela ka sefahlegong?” Ke ile ka re, “E lebega ka moka gabotse, ye botse—ye botse ye boima kgomotshadi.”

72 O rile, “Ke nyaka go go botša, mošemane, o na le bontši go ithuta.” Gomme ke—ke e lemogile ka morago ga ge a mpoditše. O rile, “Ga ke tshwenyege gore o dirilwe bjang. A ka no ba nama, go dikologa go fihla tlhakong. Eupša ge a na le tebelelo yela ya bobelele ka sefahlegong sa gagwe, o se ke wa tsoge wa mo reka.”

Ke ile ka re, “Ka baka la eng go le bjalo, Jeff?”

73 “Go lokile,” o rile, “selo sa pele ke,” o rile, “a ka se tsoge a iketla.” Gomme o rile, “Selo se se latelago ke, a ka se tsoge a ba mme go namane ya gagwe.” Gomme o rile, “Ba mmeile ka lešakeng bjale, ke lebaka le a nonnego. Ge o ka mo tlemolla, ka tebelelo yeo ya bobelele, o tla kitima ka boyena go iša lehung.”

74 Ke ile ka re, “O a tseba, ka mokgwa wo mongwe ke ithutile selo se sengwe. Ke a dumela seo se ra mosadi, le yena.” Gabotse. Gabotse.

75 Yela ya bobelele, tebelelego, go lebega ga katsana, bokaonekaone o tloge go yena, mošemane, ka moka se se lego fao selo se bolou bokagodimo godimo ga mahlo a gagwe. Gomme ga se ka ke . . . Ga se ka ke ka nyaka seo. Ga ke nagane gore seo se a swanela go Mokriste. Ga ke tshwenyege gore thelebišene le pampiri e re ke se sebotse ga kaakang. Ke sa go lebega go befa kudukudu, ponagalo ya go šiiša yeo ke ilego ka e bona ka bophelong bja ka.

76 Ge la mathomo ke bona seo, mo ka Clifton’s Cafeteria, mosong wo motee, ka difihlong. Ke bone bona bahumagadi ba baswa ba etla godimo. Ngwanešu Arganbright o be a sa tšwa go tla ka gare, gomme nna. Gomme o be a ile magatong a ka fase. Gomme ke ila ka lebelela, gomme mosetsana yola a tla ka gare. Ka gopola, “Go lokile, nna—nna—nna—nna ga ke tsebe.” Ga se ka ke ka e bona pele. E be e le mohuta wo mongwe. Oo, go be go lebega o ka re o be a se na le maitshwaro a mabotse, le a tseba, mohuta wa feela go lebega go segiša. Ga ke bolele seo go ba wa go segiša. Ke a—ke a e bolela. Le a tseba, ke bone lephera. Ke nna moromiwa. Ke bone mehuta ka moka ya difogohlele, le a tseba, tša mokgwa wa malwetši. Ke be ke eya go sepelela godimo go mohumagadi yo moswa le go mmotša, “Ke—ke—ke nna modiredi. Ke—ke rapelela balwetši. A o—a o ka rata gore nna ke go rapelele?” Gomme ga se ka ke ka bona se sengwe sa go swana le seo. Gomme ka gona, mo gwa tla ba babedi goba ba bararo gape, ka gare. Ka ba le mokgwa wa go gatela morago nako yeo le go leta.

77 Gomme Ngwanešu Arganbright a tla kgauswi, ka fao ka re, “Ngwanešu Arganbright?” A ka no ba a le mo. Ka re, “Bothata ke eng ka mosadi yola?” Le a bona?

Gomme a re, “Yeo, yeo ke pente.”

78 Ka re, “Go lokile, nna, nna!” Le a bona? Ka gopola gore ba be ba swanetše go ba le yena ka ntlong ya dilomi felotsoko, le a tseba, go e swara gore e se ke ya phutlogela ntle ka moka gohle go basadi ba bangwe.

79 Eupša, le a tseba, o swanetše go polana, o lebelele, o rapele, ge o kgetha. Ka gore, re a bona, ka le, Lentšu la tshepišo. Yena, monyalwa yo monna a tlogo go mo kgetha, o ya go bonagatša semelo sa gagwe. E bonagatša se se lego ka go yena.

80 Bjale, a o ka kgona go eleletša monna, a tladitšwe ka Moya wo Mokgethwa, a tšea selo se sengwe sa go swana le seo go ba mosadi? [Phuthego e re, “Aowa.”—Mor.] Ke—ke—ke no se e bone, ngwanešu. Bjale, mohlomongwe ke no ba mokerenko wa kgale. Eupša, le a tseba, ke—ke no se kgone go kwešiša seo, le a bona, elang hloko, ka gore se ya go bonagatša se se lego ka go yena. O ya go mo thuša go dira legae la gagwe la ka moso.

81 Bjale, ka gona, ge re fetolela morago bjale nakwana, go lehlakore la semoya. Gomme ge o bona kereke ye e lego ka lefaseng, e dira go swana le lefase, go labalabela ka lefaseng, e tšea karolo go lefase, e tšea Melao ya Modimo mo o ka rego Yena ga se a ke a E ngwala, gona o—o ka kgona go no eleletša Kriste ga a ye go tšea Monyalwa wa go swana le yoo. A o ka kgona go eleletša a tšea kereke ya sebjalebja le hono go ba Monyalwa? E sego Morena wa ka. Ga ke dire. . . Ga ke kgone go bona seo. Aowa. Elelwang, bjale, monna le mosadi wa gagwe ke batee. A o ka itšoena ka bowena go motho wa go swana le yoo? Ge o ka dira, ka nnete e tla ba mohuta wa go nyamiša tumelo ya ka ka go wena.

82 Gomme, ka gona, go ka reng ka Modimo a itšoena ka Boyena go selo se sengwe sa go swana le seo, seotswa sa mehlang sa kereke ya leina? Le nagana gore A ka e dira, “Go ba le sebopego sa bomodimo eupša a gana maatla a bjona”? A ka se tsoge a e dira. Mosadi o swanetše go ba le semelo sa Monna ka go yena. Ya nnete, ya therešo ya go tswalwa gape Kereke e swanetše go ba le—le semelo se se bego se le ka go Kriste, ka gore monna le mosadi ke batee. Gomme ge Jesu a dirile feela seo se thabišago Modimo, a bolokile Lentšu la Gagwe le go bonagatša Lentšu la Gagwe, Monyalwa wa Gagwe o tla swanelwa ke go ba mohuta wo o swanago wa semelo. A ka se kgone, le ka mokgwa wo mongwe, a ba kereke ya leina. Ka gore, ka gona, ga go tshwenye gore o nyaka gakaakang gore, “aowa,” o laolwa ke lekgotla felotsoko, le le mmošago gore a dire eng le se a ka se kgonego go se dira, gomme, dinako tše ntši, milione wa dimaele go tloga go therešo ya Lentšu.

83 Go befile kudu gore re fele re tloga go tšwa go Moetapele wa nnete yo Modimo a re tlogeletšego yena go etella Kereke pele. Yena ga se a ke a romela bapotologi ba naga. Yena ga se a ke a romela dipišopo, dikatinala, baprista, bapapa. Yena o rometše

Moya wo Mokgethwa go Kereke, go etella Kereke pele. “Ge Yena Moya wo Mokgethwa a tllile, Yena o tla le etella pele go ya ka Therešong ka moka, a utolla dilo tše go lena, tše Ke le boditšego tšona, a di tliša kelellong ya lena, gomme o tla le laetša dilo tše di tlogo.” Moya wo Mokgethwa o be o swanetše go dira seo. Bjale, kereke ya sebjalebjaale e hloile Woo. Ga ba O rate, ka fao e ka kgona bjang go ba Monyalwa wa Kriste? Batho ba lehono ba kgetha kereke ya leina ya sebjalebjaale. Se e se dirago, e bonagatša feela kwešišo ya bona ya go diila ya Lentšu.

⁸⁴ Ga ke re go gobatša, eupša ke ra go e dira e ya go subeletša go lekanela go fihla o tla e lebelela.

⁸⁵ Ke nyadišitše banyalani ba bantši, eupša ka mehla e nkeletša Kriste le Monyalwa wa Gagwe. Le letee la manyalo a ke a dirilego mo, nako ye nngwe ya go feta, le—le be le le selo se sebotse kudu ka bophelong bja ka. E bile mengwaga ye mmalwa ya go feta, ge ke be ke sa no ba modiredi yo moswa.

⁸⁶ Ngwanešu wa ka o be a šoma go—go PWA. Ga ke tsebe ge yo mongwe a sa elelwa yeo, bjale, goba aowa, yo mongwe yo a tšofetšego go lekana le nna. Gomme yeo e be e le—e le projeke ye mmušo o bego o na le yona. Gomme ngwanešu wa ka o be a šoma godimo, e ka ba dimaele tše masometharo. Ba be ba epa ntle matsha, projeke ya go lota.

⁸⁷ Gomme fao go be go le mošemane a šoma godimo kua, le yena, go tšwa Indianapolis, e ka ba, o, e ka ba dimaele tše lekgolo bogodimo ga Jeffersonville moo ke—ke dulago, goba ke bego ke dula. Gomme fao go be go le . . . O ile a re go ngwanešu wa ka, letšatši le letee, o rile, “Doc,” o rile, “Ke—ke nyaka . . . Ke ya go nyala, ge nkabe ke be ke no ba le tšhelete ye e lekanetšego go lefa moreri.” O rile, “Ke—ke na le tšhelete ye e lekanetšego go hwetša laesentshe ya ka, eupša,” o rile, “Ga ke na le tšhelete ye e lekanetšego go lefa moreri.”

⁸⁸ Doc o ile a re, “Go lokile, ngwanešu wa ka ke moreri, gomme—gomme yena—yena a ka go nyadiša.” O ile a re, “Yena ga a ke a lefiša batho dilo tša go swana le tše.”

O ile a re, “A o tla mo kgopela ge a ka nnyadiša?”

⁸⁹ Go lokile, bošego bjoo ngwanešu wa ka o ile a nkgopela. Ke ila ka re, “Ge a se a ke a nyala pele, yo mongwe le yo mongwe wa bona, gomme ba . . . se sengwe le se sengwe se ka moka gabotse.”

O rile, “Go lokile, ya, ke tla mo kgopela.”

Gomme ke ile ka re, “Ge go le bjalo, mmošše, a tle tlase.”

⁹⁰ Ka fao, ge Mokibelo o etla mmogo gomme mošemane o ile a tla tlase. E be e le selo se segolo go nna, ka mehla go lebelela morago godimo ga se. Ke be . . . Wa pula morago ga sekgalela, koloi yela ya kgale ya Chevrolet, ka mabone a pele a tlemilwe ka sehlophana sa lethale, yeo e tlilego godimo, ntle ka pele. Feela lebakana ka morago ga ge ke lahlegetšwe ke mossadi, gomme ke

be ke kgobela, dikamora tše pedi tše nnyane. Gomme—gomme Doc o be a le godimo kua le nna, re ba letetše.

⁹¹ Gomme—gomme mošemane a tšwela ka ntle ga koloi, gomme o be ka nnete a sa lebege bjalo ka monyadi, go nna, goba o be go yo mongwe le yo mongwe, ke a thanka. Ya. Ke be ke kgona go bea . . . go reka para ye botse ye kaone ya dieta, ka tolara le seripa. Gomme o be a na le para, e be e senyegile. Gomme marokgo a gagwe a be a le mabukubuku ka nnete. Gomme o be a apere e tee ya dipaki tše tša kgale tša letlalo la moswe. Ga ke thanke gore ba bangwe ba lena batho ba kgalekgale le tla e elelwa. E be e lebege o ka re e kitimile go kgabola motšhene wa go hlatswa ntle le go tšokotšwa, gomme e be e na le methaladi, e tlemilwe godimo ka mokgwa *wo*, gomme khona e le godimo.

⁹² Gomme yo—yo monnyane mohumagadi o ile a tšwela ka ntle ka lehlakoreng, ka ye nnyane, oo, tše dingwe tšonatšona tše nnyane roko tša go lebege mašakana.

⁹³ Ga ke tsebe. Ke dirile phošo ka go bitša mohuta woo wa diphahlo, nako ye tee. Gingham, ke a dumela e a bitšwa. Gomme ka fao e be e le . . . [Phuthego e a sega—Mor.] Ke e boletše ka go fošagala gape. Ka—ka mehla ke a e dira. Gomme ke rile . . .

⁹⁴ O ile a tšwela ka ntle ga koloi, gomme ba tla godimo ga materapo. Gomme—gomme ge ba sepeletše ka gare, selo se sennyane sa go diila, o . . . ke a thanka, yena, e ka ba feela ka moka se a bego a se apere e be e le sekhethe. Gomme o be a se na le dieta, le gatee, godimo. O be a kgopetše go nametšwa go tloga Indianapolis, go theoga. A na le moriri wo monnyane o lekeletše fase, morago, ka ye metelele, mohuta wa melogo go theoga magetla a gagwe. A lebege boswa kudu.

Gomme ke ile ka re go yena, “A o godile go lekanela go ka nyalwa?”

⁹⁵ O ile a re, “Eye, mohlomphegi.” Gomme o ile a re, “Ke na le tumelelo ya ka ya go ngwalwa go tšwa go tate wa ka le mme wa ka.” O ile a re, “Ke ile ka swanela go e laetša go—go kgorotsheko mo, go hwetša laesentshe ya ka.”

⁹⁶ Ke ile ka re, “Ka moka gabotse.” Ke ile ka re, “Ke nyaka go bolela le lena gannyane pele re dira lenyalo le.” Ba ile ba dula fase. Mošemane o be a tšwelapele a lebeletše go dikologa ka kamoreng, o be a nyaka go ripa moriri kudu ka nnete. Gomme o be a tšwelapele a lebeletše go dikologa ka kamoreng. O be a se a nthetša. Ka re, “Morwa, ke nyaka gore o theetše se ke se bolelago.”

O ile a re, “Eye, mohlomphegi.”

Gomme ke ile ka re, “O rata mosetsana yo?”

O ile a re, “Eye, mohlomphegi. Ke a dira.”

Ke ile ka re, “O a mo rata?”

“Eye, mohlomphegi. Ke a dira.”

⁹⁷ Ke ile ka re, “Bjale, a o na le lefelo go mo tšeela go lona ka morago ga ge le nyetše?”

A re, “Eye, mohlomphegi.”

⁹⁸ Ke ile ka re, “Ka moka gabotse. Bjale,” Ke ile ka re, “Ke nyaka go go botšiša selo se sengwe. Ke a kwešiša, o šoma godimo mo godimo ga PWA ye.”

Gomme o rile, “Eye, mohlomphegi.” Yeo ke ditolara tše lesomepedi ka beke.

Gomme ke ile ka re, “O nagana gore o ka kgona go mo direla bophelo?”

O ile a re, “Ke dira ka moka nka kgonago go se dira.”

⁹⁹ Gomme ke ile ka re, “Go lokile, seo ka moka se gabotse.” Gomme ke ile ka re, “Bjale, go ka reng ge a ka tšwela ka ntle ga . . . Go ka reng ge a ka lahlegelwa ke mošomo, kgaetšedi? O ya go dira eng, o ya go tšhabela morago gae, go mama, papa?”

O ile a re, “Aowa, mohlomphegi. Ke ya go dula le yena.”

¹⁰⁰ Gomme ke ile ka re, “Go ka reng, mohlomphegi, ge o na le bana ba bararo goba ba bane, go se selo sa go ba fepa, gomme o se na le mošomo wo o itšego. O ya go dira eng, o ya go mo romela go tloga?”

¹⁰¹ O ile a re, “Aowa, mohlomphegi. Ke tla katana thwi go ya pele. Re tla e kgona, ka tsela ye nngwe.”

¹⁰² Ke ile ka ikwela ke le yo monnyane. Ke ile ka bona gore ka nnete o be a mo rata, gomme ba be ba ratana seng yo motee go yo mongwe. Ke ile ka ba nyadiša.

¹⁰³ Ka gona ke ile ka makala gore o be a mo tšeetše kae. Matšatši a se makae, ke ile ka botšiša ngwanešu wa ka, Doc, moo e lego. O ila re, “Eya tlase New Albany,” toropokgolo ye nnyane ka tlase ga rena.

¹⁰⁴ Gomme go theoga noka, moo ka go bona thine e robotše godimo, moo ke bego ke eya letšatši le lengwe le le lengwe ge ke—ke be ke sa le monna wa mothalo. Ka fao ge bohle mathaka, ka moka ba dula go dikologa, ba bolela metlae le dilo, ke be ke tšea lori gomme ke kitimela tlase nokeng gomme ke rapela nakong yeo . . . ? . . . Gomme ke bala Beibele, ka tlase ga seripa se segolo sa thine moo mešomo ya kgale ya tshipi e bego e le gona. Fao go be go le sehlopha sa mapokisi a kgale a dikoloi a dutše fase moo.

¹⁰⁵ Gomme mothaka yo o be a ile tlase kua gomme a tšea le letee la wona mapokisi a dikoloi gomme a itshegela mojako ka go lona. Gomme o be a tšere kuranta le dikonope tša go tlošega gabonolo.

¹⁰⁶ Ke ba bakae ba tsebago gore konope ya go kgorametša ke eng? Mo ga go Makentuckian mo, gona. Ke, o tšea seripa sa khatapokisi, wa bea sekgomaretša ka mmankokono ka go yona,

sepekere se sennyane. Gomme ka gona o se kgorameletša ka gare ga . . . Seo ke konope ya go kgorometšwa.

¹⁰⁷ Ka fao, ba be ba e beile ka moka gohle. Gomme o ile godimo kua go ratoutou gomme a ikhweletša dilo, gomme a dira leterapo, go tla godimo. Gomme a hweditše mapokisi a kgale, gomme a itirela tafola. Gomme ka gopola, letšatši le letee, “Ke tla ya tlase gomme ke bone gore ba ya bjang mmogo.”

¹⁰⁸ E ka ba dikgwedi tše tshela pele ga fao, ke nyadišitše morwedi wa E.V. Knight le morwa wa E.T. Slider. E.V. Knight, yo motee wa banna ba bahumihumi kudu ba lego fao Ohio River, gomme, oo, o sepediša difeketori tše kgolo go kgabola moo, o dira dintlo tše tša madirwasaruri, le go ya pele. Gomme—gomme Slider, E.T. Slider, ke khamphane ya lešabašaba le matlapana, bana ba boradimilione. Gomme ke ile ka ba nyadiša.

¹⁰⁹ Gomme ke ila ka ya morago ka lefelong, ke itokišeditše yona lebaka la dibeke tše pedi, ke eya morago ka tentaneng le go khunama godimo ga mosamelo. Le ka moka matsaka le se sengwe le se sengwe ke ilego go se kgabola, ke nyakilego, go swanela go feta go se kgabola, go nyadiša bobedi bjo! Gomme ge ba tšwela ntle, ka baka la eng, ba be ba . . . Bobedi bjo bongwe bjo bonnyane bjo ba nno ema mola ka kamoreng ye nnyane ya kgale mo re bego re na le sofa ye nnyane le mpete wa go phuthwa, eupša bobedi ba nyadišitšwe ka tirelo ya go swana.

¹¹⁰ Gomme ka gona, letšatši letee, ka gopola gore ke tla ya tlase le go etela bobedi bjo bja go huma. Ba be ba sa swanelwe ke go šoma, borrago bona e be e le boradimilione, ba be ba ba agetše legae le lebotse. Gabotse, yo E.V. Knight, godimo, mo godimo ga thaba, dikonope tša mejako ya gagwe e be e le gauta ya boleng bja lesomenne godimo ga paleisi ya gagwe ye kgolo, ka fao o ka eleletša mohuta wa legae le ba phelago ka go lona. Ba be ba sa swanelwa ke go šoma. Ba be ba na le Cadillac ye botse e fiwa bona ngwaga wo mongwe le wo mongwe. Gomme feela, e sa le bana, gomme ba be ba no ba le se sengwe le se sengwe ba bego ba se nyaka. Ge ke sepelela godimo letšatši le letee . . .

¹¹¹ Bjale, ka mo ke tsebanego le bona, yo motee wa bagwera ba bona e be e le mogwera wa go loka wa ka. Re be ka moka re gwerane mmogo. Gomme ke ka mkgwa wo ke tsebanego le bona, ge ba nnyaka gore ke ba nyadiše.

¹¹² Ka fao ke ile godimo go ba etela. Ke tšwetše ka ntle go Ford ya ka ya kgale, ka ntle, gomme ka sepelela godimo ka materapo. Gomme—gomme ka fihla godimo, kgauswi kudu gannyane nnyane, gomme ka ba kwa. Gomme ba be ba baka ka nnete. Ba be ba na le mona yo motee go yo mongwe. Ba be ba ile tantshing. O be a le mosetsana yo mobotse kudu. Gomme o be a le mohuta wa dikgošigatšana tše botse. O tšere difoka tše botse go dikologa fao, le go thopa dikolo le dilo, ka go ba kgošigatšana ye botse. Gomme ke ile ka ba lebelela, gomme yo motee o be a

dutše khoneng ye tee gomme yo motee go ye nngwe, ba baka ka mošemane yo a tantshitšego le yena, goba mosetsana, selo se sengwe.

¹¹³ Ge ke etla godimo, ba ile ba taboga ka lebelo ka nnete gomme ba gokarana seng yo motee go yo mongwe go kgabaganya lebato, gomme tša bona—tša bona diatla, go kgabaganya lebato, ba tla ba sepela godimo go tla mojako. Ba rile, “Ka baka la eng, halo fao, Ngwanešu Branham! O ya pele bjang?”

Ke ile ka re, “Ka moka gabotse. Lena ka moka le ya pele bjang mmogo?”

¹¹⁴ Gomme, “Oo,” o rile, “Ke—ke. . . Re thabile kudu. A ga ra thaba, hani?”

Gomme o rile, “Eye, morategi.” Le a bona?

¹¹⁵ Bjale, le a bona, o bea godimo selo se sengwe se e sego nnete. Bjale, o ka se hwetše borutho ka mollo wa go pentwa, go swana le tše dingwe tša dikereke tše di lekago go penta pentecost, ka se sengwe se se diregilego mengwaga ye sekete ya go feta goba mengwaga ye dikete tše pedi ya go feta. O ka se kgone go ruthela ka mollo wa go pentwa. Pentecost e no ba nnete lehono go swana le ka fao e bego e le ka gona nako ya go feta. Le a bona? Ya. Mollo o sa wa. Ga se mollo wa go pentwa. Ke Mollo wa mmakgonthe.

¹¹⁶ Ka fao, ba, ba be ba no ba. Le a bona? Ga—ga ke nyake go phela ka mokgwa woo.

¹¹⁷ “Oo,” ka gopola, “le a tseba, feela tlase bokagodimo ga legaga kua gomme bokagodimo nokeng, fao ke mo bobedi bjo bongwe bjo bo tatologago godimo.” Ka gopola, “Wo motee Mokibelo ka morago ga sekgalela ke tla thedimogela tlase kua go bona ka fao ba bego ba eya mmogo.”

¹¹⁸ Ka fao nna, ke le ditšhila sefahlegong, gomme ke apere dioborolo tša ditšhila, didirišwa tša ka godimo. Ka gopola, “Ke tla thedimogela godimo go bona.” Ke ile ka thedimogela mmogo go swana le ge o ka re ke be ke bogetše diapeši ge di be di phatlolwa ke legadima goba selo se sengwe, gomme ge ke be ke sepela go bapela le lethale la mogala, dikhepolo tša mohlagase go bapela le noka. Gomme fale go be go le Chevrolet ya kgale, e be e dutše ntle ka pele. E ka ba ngwaga ka moragorago, ka morago ga ge ke ba nyadišitše. Gomme fao go be go le—le. . . Mojako o be o bulegile, gomme ke be ke kgona go ba kwa ba bolela. Ka fao se se kwagala bjalo ka moikaketši, eupša ke ila ka sepelela godimo kgauswi go lekanela go fihla ke kgona go theetša, go bona se ba bego ba se bolela. Ke ila ka ema kua. Gomme ke no nyaka go tseba, ka bonna.

¹¹⁹ Ke nyaka go hwetša ntle le go ba le bonnete go tseba se ke bolelago ka sona. Yeo ke tsela ye ke dirago ka Lentšu la Modimo. A Lona ke Therešo, goba Lona ga se Therešo? A Yena a ka boloka Lentšu la Gagwe, goba a Yena ga a boloke Lentšu la Gagwe?

Yena ga a boloke Lentšú la Gagwe, gona Yena ga se Modimo. Le a bona? Yena o boloka Lentšú la Gagwe, Yena ke Modimo. Le a bona?

¹²⁰ Gomme ka fao ke be ke nyaka go bona ka mo ba bego ba eya mmogo. Gomme ke ile ka thedimogela go bapela ka lehlakoreng, ga bonolo ka nnete. Ke ile ka kwa monna a re, “Oo, hani, ke be ke nyaka go go hweletša yeo, ka phišego.”

¹²¹ Mosadi o rile, “Bjale, lebelela, pelobose.” O rile, “Roko ye ka moka e lokile.” O rile, “Ka baka la eng, ye e no ba gabotse.” O rile, “Ke leboga yeo. Eupša o a bona . . .”

¹²² Ke ila ka thedimoga go dikologa, gore ke kgona go lebelela ka gare ka lenga, moo mojako o bego o kgoromeditšwe go bulega fao ka go lepokisi la koloi. Gomme o be a le fao, a dutše ka kua gare, gomme mosadi a le godimo ga difaro tša gagwe; gomme letsogo la monna le mo dikologile, le letsogo la mosadi le mo dikologile. Gomme o be a rwele ye tee ya dikefa tše tša go repha, gomme o be a beile lešoba le lennyane, e gogetšwe fase, bogodimo, gomme a gogela ntle tšeheke ya gagwe ya mogolo, ka go yeo. O—o be a e beile ntle godimo ga tafola. O ile a re, “Ye kaa ke ya dijo. Ye kaa ke ya inšorense. Gomme ye kaa go koloi.” Gomme ba be ba sa kgone go dira dintlhana tša bona gore di kopane. Go tla go hwetša ntle, o be a bone roka ye nnyane godimo kua ka lefasetereng, o be a e lebeletše lebaka la dibeke di se kae, yeo e bego e bitša tolara le selo se sengwe. O be a nyaka go e hwetša. O ile a re, “Go lokile, hani, o tla lebega botse ka go yona.” Gomme o rile . . .

¹²³ Yena o ila re, “Eupša, hani, ke—ke na le roko. Ka nnete ga—ga ke e hloke.” Le a bona? Gomme kgošigatšana ye nnyane . . .

¹²⁴ Ke ile ka boela morago, gomme ka lebelela godimo. Ke ile ka kgona go bona bo—bo bophagamo bja mafekefeke godimo ga ntlhora ya ntlo ye nngwe. Ke ile ka ema fao gomme ka lebelela, metsotso e se mekae. Ka gopola, “Ke mang monna wa mohumi?” Ka gopola, “Ge, Bill Branham, ge o nyaka go tšea lefelo lefe, o be o tla ya kae?” Ge e le nna, ke be nka se tšea selo se se botse sela godimo ntlhoreng ya thaba. Ke be ke tla tšea semelo se fase mo, bjalo ka modira legae wa nnete, yo mongwe yo a bego a nthata le go dula le nna, yo mongwe yo a bego a leka go dira legae; gomme a sa go ntšhego madi ka se sengwe le se sengwe, ka dilo tše kaonekaone; gomme yo mongwe yo a bego a na le wena, karolo ya gago.

¹²⁵ Seo ka mehla se dutše le nna, sa ka fao se bego se le ka gona. Yo motee o kgethile mosetsana yo mobotse, yo mongwe o kgethile semelo. Bjale, yeo ke tsela e nnoši o kago go kgetha. Sa pele, lebelela semelo le, ka gona, ge e ba o a mo rata. Gabotse.

¹²⁶ Elang hloko, Adama wa pele wa Modimo o be a se na le kgetho ye e itšego, ya mosadi wa gagwe. Ga se a ke a hwetša kgetho. Modimo o ile a no mo direla yo motee, gomme ga se a ke a hwetša go mo kgetha. Ka fao re hwetša gore o ile a mo fapoša go

tloga Lentšung la Modimo. Yena ga se a ke a hwetša go rapelela taba. Yena—yena—yena ga a swane le wena le nna. Yena ga se a ke a hwetša kgetho. Gomme gape, ka go dira seo, o ile a mo etella pele go tloga go leemo la gagwe la maleba la go ba morwa wa Modimo. Gomme o e dirile ka go mo laetša tsela ya go phela ya sebjaalebjae go fetiša, selo se sengwe seo ka nnete ba bego ba se ba swanela go ba ba se dirile. Eupša semelo sa mosadi se laeditše gore o be a le phošo. Mabaka a gagwe le maikemišetšo a be a gabonolo a le phošo. Gomme o ile a mo phegelela, ka go fa mabaka ga gagwe, gore seetša se seswa sa sebjaalebjae seo a bego a se hweditše, seo se bego se le kgahlanong le Lentšu la Modimo, e be e le tsela ye kaonekaone ya go phela.

127 Gomme ke basadi ba bakae lehono, gomme pele le morago, banna, ba ka kgonago go goga mosadi wa go loka go tloga go Modimo, goba ba goga monna wa go loka go tloga go Modimo, ka go leka go mmotša, “Bodumedi bjo, lena bašemane ba Pentecostal! Bodumedi bjola,” ba re, “oo, Bjoo ke bja fešene ya kgale. Ke kgudi ya kgale. O se ke wa dumela Bjoo.” Bokaonekaone o rapele thata pele o nyala mosetsana yola. Ga ke tshwenyeye gore ke yo mobotse bjang. Selo sa go swana go monna.

128 O mo phegeletše go tšwela ka ntle ga thato ya Modimo le go mo dira gore a dire selo se sengwe se a bego a se a swanela go se dira, gomme, ka sona, a hlola lehu go moloko wohle wa batho. Ke ka baka le Beibele e mo ganetšago go ruta, goba go rera, goba go swara Lentšu la Modimo, ka mokgwa ofe kapa ofe.

129 Ke a tseba, kgaetšedi, ba bantši ba lena ba re, “Modimo o mpleteditše go rera.”

130 Ga ke ye go phegišana le wena. Eupša ke ya go go botša, Lentšu le re ga wa swanela go e dira. “A se ke a ruta, goba go tšea maatlataolo a itšego, eupša a homole.”

“Go lokile,” o re, “Morena o mpoditše gore ke dire.”

131 Ga ke kamake seo le gatee. A le kwele molaetša wa ka bošego bjo bongwe ka Biliama? Biliama o hweditše sa mathomo, sa go ripša go otlologa sephetho sa Modimo, “O se ke wa e dira.” Eupša o ile a tšwela pele a tsekella go dikologa go fihla Modimo a mmotša gore a ye go e dira.

132 Modimo a ka no go dumelela go rera. Ga ke re Yena ga se a dira. Eupša ga se go ya ka Lentšu la Gagwe la setlogo le polane. “Ka gore o swanetše go ba ka fase ga go obamela, bjalo ka ge le molao o boletše.” Ke therešo. Ka fao, ga a swanela go e dira.

133 Bjale, elang hloko gape ka fao monyalwa wa tlhago a swantšhago wa semoya. Lentšu le bolela, gore, “O diretšwe monna, ga se monna a diretšwego yena.”

¹³⁴ Bjale ke ya go bolela, gomme ka baka la eng, ka metsotsong e se mekae, ka Monyalwa wa Kriste, eupša ke leka go le laetša bokamorago bja yona.

¹³⁵ “Mosadi o diretšwe monna, gomme e sego monna go mosadi.” Ke ka lebaka leo, ka tlase ga melao ya kgale, go nyala ba bantši e be e le semolao. Lebelelang Dafida a dutše fase kua ka basadi ba makgolotlhano, gomme Biebele e boletše gore, “O be a le monna ka morago ga pelo ya Modimo mong.” Ka basadi ba makgolotlhano, gomme Solomone ka sekete, eupša go be go se le yo motee wa bona basadi a bego a kgona go ba le monna yo mongwe.

¹³⁶ Le na le theipi ya ka ka *Lenyalo Le Tlhalo*. Yeo, godimo ntlhoreng ya thaba ka Tucson, mo e sego telele go fetile, ke be ke le godimo kua ke rapela ka yona. Ba ile ba ntšha dikolo, go bogela Pilara yela ya Mollo e dikologa gomme ya ya ka go mo jagobedi, pele le morago, godimo le fase. Batho tikologong ye ba a e tseba, kua, gomme ba E bone; gomme E . . . ge Yena a mpo ditše Therešo ya dipotšišo tše tša lenyalo le tlhalo. Ge go le lehlakore le tee le eya ka tsela *ye*, gomme le letee le eya ka tsela *yela*, fao go swanetše go ba Therešo felotsoko. Ka morago ga Mahuto ao a Šupa, Yena o ntaeditše se e lego Therešo ya yona.

¹³⁷ Elang hloko, bjale, mosadi a ka se kgone go ba eupša monna yo motee, ka gore, “Mosadi o diretšwe monna, gomme e sego monna go mosadi.” Basadi bao bohle ba makgolotlhano e be e no ba mosadi wa Dafida, gomme e be e le seswantšho. Ge Kriste a dula Teroneng ka Miliniamong, Monyalwa wa Gagwe e ka se be motho yo motee, eupša dikete tše masome, Monyalwa, ka moka ka go yo Motee. Gomme Dafida o be a na le basadi ba bantši, bjalo ka batho ka bobona ba nnoši, eupša feela ka moka ga bona e be e le mosadi wa gagwe. Go swana le ka mo Mmele wohle wa badumedi o lego Monyalwa wa Kriste, ka gore ke Yena, mosadi. Yena e be e le Monna. Bjale, re diretšwe Kriste. Kriste ga se a direlwa rena.

¹³⁸ Seo ke se re lekago go se dira lehono ka go dipuku tša rena tša hlogo tša ditaba, ke go leka go dira Lentšu (leo e lego Kriste) le swanele rena, go na le gore rena re leke go itira ka borena go swanela Lentšu. Yeo ke phapano.

¹³⁹ Ge monna a kgetha mosetsana yo a itšego go tšwa go lapa, ga a swanela go ithekga godimo ga botse, ka gore botse bo a fora. Gomme botse, botse bja sebjalebja lefase, ke bja diabololo.

“Oo,” Ke kwa yo mongwe o re ntle kua, “hlokomela mo, moreri!”

¹⁴⁰ Ke bolela gore dilo tše mo lefaseng, tšeo di bitšwago botse, ke bja diabololo ka go felela. Ke tla bo netefatša go lena. Ka gona, ka go seetša sa tshwao yeo, a re puruputšeng Lentšu le lekgethwa la Modimo, go bona ge eba ke therešo goba aowa. Gomme ba bangwe ba lena basadi le nyaka go ba ba botsana! Bona mo ba tšwago.

Mathomong, re hwetša gore Sathane o be a le yo mobotse go fihla a fora Barongwa. Gomme o be a le Morongwa yo mobotsebotse kudu go bona ka moka. Go laetša gore, bo robetše ka go diabololo. Diema e rile, Solomone o rile, “Botse ke lefeela.” Yeo ke therešo. Sebe ke se sebotse. Ka nnete, ke se sebotse. Se na le kgogedi.

¹⁴¹ Ke nyaka go le botšiša, le go bolela selo se sengwe mo go lena. Ke nyaka gore le ele hloko, metsotso e se mekae. Go mehuta ka moka ya lefase, dinonyana, diphoofolo, re a hwetša go bophelo bja phoofolo, ka moka ntle le motho, ke tona ye e lego ye botse, gomme e sego tshadi. Ka baka la eng seo? Lebelelang go. . . Lebelelang tshepe, ye—ye botse ye kgolo tshepetona ka dinaka tša yona, le tshepetshadi ye nnyane ya go hlanya. Lebelela kgo—kgo kgogotshadi, ye nnyane, kgogotshadi ya magwadigwatšana, le wo mogolo wa mafofa a mabotse mokoko. Lebelelang nonyana ye tona le nonyana ya tshadi. Lebelela lepidipidi le letona le la tshadi. Le a bona? Gomme fao ga go mohuta o tee lefaseng, wo o dirilwego, wo o ka kgonago go fora le go ikiša fase bjalo ka mosadi.

¹⁴² Bjale, kgaetšedi, o se ke wa emelela le go tšwela ka ntle. E no leta go fihla re etla mafelelong a Se. Le a bona? Le a bona?

¹⁴³ Fao ga go selo, ga go tshadi ntle le mosadi, e ka kgonago go hloka maitshwaro. Le bitša mpša “tshadi,” le bitša kolobe “ko—ko kolobetshadi,” eupša, ka maitshwaro, di na le maitshwaro kudu go feta seripa sa dinaledi tša mmobi tše di lego ntle kua. Ga di kgone go ba selo gape eupša maitshwaro.

¹⁴⁴ Gomme mosadi e bile yo motee yo a fetotšego bogodimo, bakeng sa phapošo. Yeo ke therešo. Le bona fao botse bo mo tšeelago gona? Bjale, ke ka baka leo, lehono, re hwetša basadi ba oketšega ka bobotse. Tšea Pearl Bryan, a le kile la bona senepe sa gagwe? O be a tšewa yo mobotse yo mogolo wa Amerika. Fao ga go segotlane go tšwa sekolong sefe goba sefe eupša yo a tla mmeago ka—ka mothalong wa morago. A le be le tseba gore go be go swanetše go ba ka tsela yeo? A le a tseba gore Biebele e bolela gore yeo ke tsela ye e yago go ba ka gona?

¹⁴⁵ A le a tseba gore go wa go tlile ka basadi mathomong? Gomme go wa. . . Bofelo bo ya go tatologela godimo ka tsela ye e swanago, basadi ba tla ka go maatlataolo le go buša godimo ga banna, le go ya pele. Le a tseba Lengwalo le bolela seo? [Phuthego e re, “Amene.”—Mor.] Le a tseba, letšatši le a apara diaparo tša monna, gomme a kota moriri wa gagwe, ka moka dilo tše di fapane le Lentšu la Modimo. Gomme le a tseba o emela kereke? [“Eye.”] Ge le hlokomela se basadi ba se dirago, le tla bona se kereke e se dirago. Seo ke gabotse tlwa. Bjale, bjale, yeo e no ba therešo bjalo ka ge Lentšu la Modimo e le therešo.

¹⁴⁶ Ga go tshadi ye nngwe ye e dirilwego e ka kgonago go theogela fase go swane le ka mo mosadi a ka kgonago. Gomme go le bjalo, ka seo, o dirilwe go tloga- . . .

147 O be a se tlholong ya setlogo. Ka moka ditshadi tše dingwe di ka tlholong ya setlogo: dinonyana, tona le tshadi; diphoofolo, tona le tshadi. Eupša, ka bophelong bja motho, Modimo o dirile monna a nnoši, gomme A tšea go tšwa go yena. Gomme mosadi ke setšwa go se sengwe sa monna, ka gore Modimo ga se a hlama selo se se bjalo. Puruputšang Mangwalo. Therešo tlwa. Modimo, aowa, mohlomphegi, ka tlholong ya Gagwe ya setlogo. O beilwe godimo ntle kua.

148 Eupša ge a kgona go itshwara ka boyena gabotse, a moputso wo mogologolo a nago le wona go feta monna. O beilwe lebaleng wa teko. Ka yena go tlile lehu. O na le molato wa lehu ka moka. Eupša nako yeo Modimo o boile go dikologa gomme o šomišitše yo motee go tliša Bophelo morago gape; o tlišitše Morwa wa Gagwe ka mosadi, yo motee wa go obamela. Eupša yo motee yo mobe ke yo—yo mobemobe kudu a lego fao; ga go selo se ka bago fase.

149 Kaine, morwa wa Sathane, o ile a gopola gore Modimo o amogetše botse. O a dira lehono. Kaine e be e le morwa wa Sathane. “Oo, bjale!” le re. Re ka se ye ka botlalo ka seo, eupša a ke no go rarollela yona. Beibele e boletše gore o “be a le wa yo motee yo mobe yola.” Ka fao, seo se a e rarolla. Ka moka gabotse. Bjale, o be a le morwa wa Sathane. Gomme o gopotše seo, go tliša ka gare aletara le go e dira ye botse ka nnete ya go rapela, seo ke se Modimo a bego a tla se hlompha.

150 Ba a nagana, ba nagana selo se se swanago lehono. Ka nnete. Se, “Re aga moago wo mogolo. Re tla ba le dikereke tše kgolo tša maina. Re tla dira moago wo mogologolo kudu le batho ba go apara bokaonekaone kudu, banna ba baruti ba ba betlilwe setšong kudukudu.” Dinako tše dingwe Modimo o dimilione tše lesome tša dimaele go tloga go sona. Yeo ke therešo. Go le bjalo, ke kereke.

151 Ka fao, ge Modimo a no hlompha go rapela, tlhokofalo, sehlabelo, Kaine o be a nno loka go swana le Abele. Eupša e be e le kutollo, gore o kwešišitše gore e be e se diapola tšeo batswadi ba gagwe ba di jelego.

152 Ke ya go bolela selo se sengwe mo se se sa kwagalego gabotse go modiredi, eupša ke ya go se bolela, le ge go le bjalo. Ke kwa ba bangwe ba batee ba ba bolela dilo, ba bolela metlae ye mennyane. Ga ke se re. Ke boletše se, le ge go le bjalo, “Ge go ja diapola go dirile basadi go lemoga gore ba be ba ponoka, bokaonekaone re fete diapola gape.” Le a bona? Le a bona? Uh-huh. Ntshwareleng ka seo, eupša gore se tla fetoga. Ke na le lena le tlemilwe godimo mo, le go bolela ka basadi, le go ya pele. Ke—ke—ke nyaka go le khutšiša motsotso, bakeng sa se se latelago se se tlogo. Bjale, elang hloko, lena. E be e se diapola. Re tseba seo.

153 Kereke e tlile ka matšatšing a, ka phihlelelo ya yona, go swana le ka moka phihlelelo ya madirwa ke monna, ke go ba

ya bosaentshe. Ba leka go dira kereke ya bosaentshe, ka kgogedi ya dinepe le mabophagamo bokagodimo ga moago. Gomme go befile kudu gore Pentecostal e tsene ka go mohlala woo wa go swana. O tla ba bokaonekaone bokgole ka thamporine, tlase khoneng, le Moya wa Modimo go go dikologa. Eupša le leka go ipapetša le bohle ba bona, ka gore le dirile kereke ya leina. Seo ke se se e dirilego. Le a bona? Dikereke di leka go ba tša bosaentshe.

¹⁵⁴ Gomme elelwang, ge motho a fihlelela tšwelopele ka saentshe, o ipolaya ka seyena letšatši le lengwe le le lengwe. Ge a utolotše lerole la sethunya, lebelelang se le se dirilego. Ge a utolotše sefatanaga, se bolaya go feta ka fao lerole la sethunya le dirago. Bjale o hweditše ka seyena pomo ya haeterotšene. Ke a makala gore o ya go dira eng ka yeo? Thwi.

¹⁵⁵ Gomme kereke e bjalo, ge e leka go fihlelela ka saentshe, ka sekimi sa madirwa ke motho, e le tšeela kgolekgole go tloga go Modimo, le go ya ka lehung, go feta ka fao e bego e le lefelong la pele. Yeo ke therešo. O se ke wa kgetha kereke ya gago ka tsela ya go swana o dirilego mosadi wa gago. Le a bona? Seo saentshe e mo diretšego sona e be e le se sebotse, eupša bokaonekaone ke go ba kgole go tšwa go kereke ya gago ka seo; o dirile dipente, marwele, le ka moka dilo tše dingwe tše. Kgetha go ya ka semelo sa Lentšu la Gagwe.

¹⁵⁶ Bjale a re bapetšeng monyalwa wa tlhago wa lehono le se se bitšwago kereke monyalwa ya lehono. Bapetšang mosadi, o ya go nyalwa lehono.

¹⁵⁷ Bjale, e nong go lebelela seo saentshe e se dirilego go yena. O tšwela ka ntle, la pele, ka moriri wa gagwe o ripilwe go tloga, ka wa motee wa medirelo ya moriri ye ya Jacqueline Kennedy, le a bona, goba selo se sengwe sa go swana le seo. Gomme a le a tseba gore Beibele e reng? Beibele gabotse e fa monna, ge a nyaka go dira, tokelo ya go mmea go mo tlogela ka tlhalo, ge a dira seo. “Ke mosadi wa go se hlomphege, yo a tla ripago moriri wa gagwe.” Beibele e boletše bjalo. Therešo. A ga se ra tseba seo? Huh? Oo, ya! Ke rerile kudu ka California go lena gore ga le tsebe seo. Yeo ke therešo. Oo, ya! Ke botse bofe e bo dirago go nna? Ba e dira, go le bjalo. O ka se kgone go tšea kolobe gomme wa fetola leina la gagwe, wa mo dira kwana. Elang hloko.

¹⁵⁸ Le ya go ntlhoya ka morago ga se, eupša le ya go tseba Therešo. Le a bona?

¹⁵⁹ Lebelelang. A re e bapetšeng. Šo o tla godimo ka pente yohle ye ntši, selo se sengwe a sego sona, monyalwa wa sebjalebja. Ge o ka hlapiša sefahlego sa gagwe, monna o tla tšhaba go tloga go yena, möhlomongwe. O tla go tšhoša go iša lehung, tšea go tloša go yena ka moka selo seo. Gomme kereke e bjalo ka mo gogolo, ka pele ga go pentwa, wa go felela Max Factor wa thutabomodimo. Uh-huh. Bobedi ba na le se—se sebotse, sa maaka sefahlego godimo ga bona, botse bja madirwa ke motho gomme e sego botse

bja madirwa ke Modimo. Ga go semelo se se itšego ka go yo motee yo mongwe le yo mongwe yo motee wa bona.

¹⁶⁰ Elang hloko, go no swana le Sathane, go lekanela go fora ka yona, bapetša monyalwa wa sebjalebja le bjale le yena: o apara dišothi, o apara dipente, o ripa go tloša moriri wa gagwe, o apara diaparo tša go lebega bjalo ka tša banna, le go theeletša modiša yo a mmoditšego gore seo ka moka se be se le gabotse. Yena ke mofori. Yena o se tlaišegela ka dikgaong godimo. Yeo ke therešo. O dira seo go fora, go ba selo se sengwe seo a sego sona.

¹⁶¹ Yeo ke tsela ye kereke e dirago, e hwetša ye kgolo DD., Ph.D., LL.D. Ka fao o re, “Modiša wa rena ke *se, seo*, le *se sengwe*,” mohlomongwe ga a tsebe go feta ka Modimo go feta ka fa Mohottentote a tsebago ka bošego bja Egepete. Yeo ke therešo. Gabotse. Boitemogelo bjo bo itšego bja thutabomodimo ntle kua, eupša go se tsebe go feta ka Modimo go feta lefeela.

¹⁶² Kereke ya sebjalebja le pente ya bona ya thutabomodimo, ba na le basadi ba bona ka moka ka letago la bona le šefilwe go tloga, ka katsana le modiša yo ba nago le yena, go swana le Isebele ge fao go kile gwa ba yo motee. Moriri wa go kotwa, dišothi, dipente, ka moka di beakantšwe godimo go ya ka tatso ya thutabomodimo, yeo ke ka tsela ye kereke e emego. Thwi. Eupša semelo sa gagwe sa semoya se kgole go tloga go seo sa go ba modiralegae yo Jesu Kriste a tlilego go mo amogela.

¹⁶³ Ge Mokriste mang kapa mang a ka nyala mosadi wa go swana le yoo, go laetša gore o wele go tšwa go mogau. Tatso ya gagwe go Modimo le tatso ya gagwe go legae, seo legae le swanetšego go ba sona, se kgole, ge a kgetha mosadi wa go swana le yoo. Aowa, mohlomphegi. Yena ka nnete a ka se swanele tatso ya Mokriste. Semelo sa gagwe sa semoya se legatong la fasefase kudu, o hwile, ka go botse bja kereke ya leina le kganyogo ya lefase.

¹⁶⁴ Fao ke tlwa mo kereke e emego lehonu, e rekišitše semelo sefiwa ke Lentšu la gagwe go Sathane, bakeng sa bodumedi bodirwa ke motho bja bosaentshe. Ge, a bile le tokelo, bjalo ka kereke ya Modimo, go dula le Lentšu la Modimo le go ba le Moya wo Mokgethwa o šoma magareng, go kgomaganya Mmele mmogo ka Lentšu le lerato la Modimo. Go na le seo, yena o rekišitše ntle ditokelo tša tswalo tša gagwe, go swana le Esau, le go tšea kereke ya leina, mo tlogeleng a e dire, eng kapa eng a bego a nyaka go e dira, thwi, feela go no tsebalega go swana le ge mmagwe a dirile ka Nicaea Roma. Lentšu la Modimo!

¹⁶⁵ Oo, ka fao e tsenego ka go sekgao sa rena sa Pentecostal! Ke mo gobe kudu, eupša e e dirile.

¹⁶⁶ Elang hloko, motsotso feela, mosadi wa go phela ka tlase ga keno ya go se nyalwe ka kerekeng ya Katoliki. Mosadi yola, go ba mosadi wa go phela ka tlase ga keno ya go se nyalwe, le go tšea lešira lela la mafelelo, yena ka go felella o rekišitšwe ntle go kereke yeo. Yena ke (soulo, mmele, le moya) pahlo ya kereke

yeo. Yena ga a na le monagano wa gagwe mong. Yena a ka se kgone go ba, ge a tšea lešira lela la mafelelo, ga go monagano wa gagwe mong, ga go thato ya gagwe mong. Le bona ntle mo, gore Sathane o ba dira bofora bja gagwe, go swana le therešo.

¹⁶⁷ Kereke ya therešo ya Kriste, Monyalwa, o rekišitšwe ntle go Yena le Lentšu le le tshepišitšwego la Gagwe, go fihla wona monagano wo o lego ka go Kriste o le ka go wena. A phapano!

¹⁶⁸ Gomme re a hwetša lehono, gore, kereke ya sebjalebja, kereke ya sebjalebja ya lefase. Kereke ya sebjalebja ya lefase le gape Kereke ya semoya bobedi di imišitšwe, go tswala barwa.

¹⁶⁹ Ye tee ya tšona, tswalo ya kereke ya leina, e ya go fa, ye tee ya . . . letšatši, go . . . matšatši a, ka go Khantshele ya Dikereke tša Lefase, yeo e tlogo go tšweletša go lefase molwalekriste, ka kereke ya leina. Yeo ke Therešo tlwa. Nka no se phele go e bona. Ke a dumela ke tla dira. Eupša, lena batho ba baswa, elelwang gore le kwele modiredi a bolela seo. Seo mafelelong se tla tatologela godimo. Gomme leo ke leswao la sebata, ge a dira Khantshele yela ya Dikereke tša Lefase. Gomme o tla tswala morwa wa gagwe, molwalekriste.

¹⁷⁰ Yo mongwe o imišitšwe ke Lentšu la Modimo gomme o tla tliša pele Mmele, Mmele wo o feletšego wa Jesu Kriste, e lego Monyalwa. Mmele wa Kriste ga se wa felela le bjale. Ke ba bakae ba tsebago seo? Monna le mosadi ke batee. Gomme Kriste ke Mmele wo motee, Lentšu. Monyalwa o tla swanelwa ke go ba wohle wa Mmele woo. Gomme bobedi, mmogo, ba dira Mmele wo motee gape. Go swana le ka mo Adama a bego a le mathomong: monna, mosadi wa gagwe, ke batee. Bjale, Yena, Monyalwa wa therešo, o rekišitšwe go Yena kudu, go fihla Yena a se sa šomiša monagano wa Gagwe mong. Monagano wa gagwe, ka nnete, ke thato ya Gagwe, gomme thato ya Gagwe ke Lentšu la Gagwe.

¹⁷¹ Bjale lebelelang ka go se se bitšwago monyalwa yo a kgethilwego ke motho, gomme bapetša semoya le tlhago lehono, Isebele wa sebjalebja o lailwe ke Ahaba wa gagwe, bommasabotsana ba Max Factor, se sengwe le se sengwe. Lebelelang kereke, tsela ye e swanago, eupša seotswa go Lentšu la Modimo wa go phela; dikereke tša maina tše kgolo, meago ye megolo, tšhelete ye kgolo, mogolo wo mogolo, ka moka e rekišitšwe ntle. Banna ba eme ka phuluphithing ba dumelela gore seo ka moka se gabotse, le go ba dumelela go feta ka sona. E no ba phoro, seo ke ka moka. Ka therešo Lebaka la Kereke ya Laodikia ya go fofala, feela tlwa se Beibele e boletšego gore se tla ba. "E rile, 'Nna ke mohumi. Ke dutše bjalo ka kgošigadi. Ga ke hloke selo.' Gomme ga o tsebe gore o modiidi, o a šokiša, o sefofu, o wa madimabe, o a ponoka: gomme ga o e tsebe." Ge seo e se GO RIALO MORENA, Kutollo 3, gona ga se ka ke ka E bala. Seo ke se a lego sona, gomme ga a se tsebe! Nagana ka sona.

172 Ge o botša monna goba mosadi, seterateng, ba ba bego ba ponoka, gomme wa ba botša gore ba be ba ponoka, gomme ba re, “Hlokomela taba ya gago mong,” ka baka la eng, fao go na le tlhaelelo ya monagano fao felotsoko. Fao go selo se sengwe se ile go fošagala ka mogopolo wa bona.

173 Gomme ge o ka kgona go bala Lentšu la Modimo, ka fao batho ba swanetšego go dira, gomme kolobetšo ye ya Moya wo Mokgethwa ye re nago le yona lehono, gomme, batho, ka baka la eng, ba go lebelela mo o ka rego o be o gafa. O a ba botša: “Le swanetše . . .” Ba swanetše go tswalwa gape. Ba swanetše go dumela Beibele.

174 Ba re, “Yeo e be e le nonwane ya Bajuda, ya mengwaga ya go feta. Kereke ya rena e na le tsela.” Ba madimabe, ba a šokiša, ke difofu, ba a ponoka, gomme le bile ga ba e tsebe. A . . . Gomme Biebele e boletše gore leo ke leemo le ba tsebago ka go lona.

Moporofeta wa therešo o be a ka kgona bjang go foša go e bona? Ga ke tsebe.

175 Go phaphamalla thwi go ya ka go ka moka dikereke tša rena, mo gohle. E no e lebelela, feela ka go mosepelo wa sebjalebjaale. “Seotswa sa go tšofala le barwedi,” sa Kutollo 17, se fa go “ba go diila, ba difofu, ba go šokiša” batho thuto ya gagwe ya thutabomodimo kgahlanong le Lentšu la Modimo. “Gomme ba hweditše ka go yena disoulo tša makgoba, le banna le basadi ba—ba mo gohle.” Go na le go goga batho . . .

176 Kriste o hlatsela Lentšu la Gagwe, leo le gogago batho. Yena ga a goge batho ka dikerekeng bao ba gogwago ke dikereke tša maina tše kgolo le ditiro tše kgolo, le go iša pele mo gogolo le dilo tša matsaka. Eupša Lentšu la Modimo le goga Monyalwa wa Kriste.

177 Bjale elang hloko. Go a kgahliša go—go ela hloko ka fao gore—gore kereke e leka go goga šedi ya batho ka diaparo tše kaone le dikhwaere tša go apešwa, le basadi ba moriri wa go kotwa le difahlego tša go pentwa. Gomme ba a nagana . . . Gomme e opetše bjalo ka Morongwa. E aketša bjalo ka diabololo, e kitima go dikologa bošego ka moka go ya go tantsha go swana le, se nagane selo ka yona. Gomme seo ke se ba se naganago, “Ka moka go gabotse. Seo ke se sebotse.” Eupša, le a bona, ke modirelo wa maaka. Leo ga se Lentšu la Modimo.

178 Mola, Monyalwa wa therešo a goga šedi ya Modimo, ka go boloka Lentšu la Gagwe. Bjale elang hloko. Bjale a re eleng Kriste hloko.

179 Le re, “Go lokile, bjale, ema motsotso, go reng ka botse bjo o bolelago ka bjona?”

180 Beibele e rile, ka go Jesaya 53:2, gore, ge Jesu a tlile, “Fao go be go se botse ka Yena, re bego re ka Mo kganyogo.” A yeo ke therešo? [Phuthego e re, “Amene.”—Mor.] Fao ga go botse. Ge a ka

be a tlile ka botse bja lefase, bjalo ka ge Sathane a le bjalo lehono, batho ba ka be ba kitimela go Mo dikologa le go Mo amogela ka tsela ye ba dirago kereke lehono. Ba ka be ba Mo dumetše, ba Mo amogetše, bjalo ka ge ba dira Sathane lehono. Nnete, ba be ba tla dira. Eupša Yena ga se a tla ka go mohuta woo wa botse, eupša Yena ka mehla o tla ka botse bja semelo. Fao, Kriste o be a se yo mobotse, yo mogolo, wa go tia, yo mokoto Monna. Modimo ga a kgethe mohuta woo.

¹⁸¹ Ke elelwa nako ye tee moporofeta o ile godimo go—go tšea kgoši, go dira kgoši go tšwa go morwa wa Isai, go tšea lefelo la kgoši ye nngwe, Soulo. Gomme ka fao Isai o mo tlišitše ntle, wa gagwe yo mogolo, yo mokaone mošemane. O rile, “Korone e tla lebega gabotse, godimo ga hlogo ya gagwe.”

¹⁸² Moporofeta o ila go tšhela oli godimo ga gagwe. Yena o rile, “Modimo o mo ganne.” Gomme Yena o ile a gana yo mongwe le yo mongwe yo motee wa bona, go fihla a etla go yo monnyane, wa kgale wa magetla a go kobama, mothaka wa go lebega bohudedu. Gomme a tšhela oli godimo ga gagwe, gomme a re, “Modimo o mo kgethile.” Le a bona? Rena re kgetha ka go bona. Modimo o kgetha ka semelo.

¹⁸³ Semelo, fao ga se gwa ke gwa ba semelo sa go swana le Jesu Kriste. Se phela ka go wena le go Mo hlatsela. Re a bona ke therešo. Ga se bobotse bja lefase bja Gagwe bjo bo gogago Monyalwa wa Gagwe. Ke semelo sa Gagwe, semelo sa Kereke, seo Jesu a se lebelelago; e sego fao e lego meago ye megolo, moo e lego dikereke tša maina tše kgolo, moo e lego boleloko bjo bogolo. Yena o tšhepišitše go kopana le kae kapa kae ba babedi goba ba bararo ba kopanego mmogo. Therešo. Fao ke mo modumedi wa therešo a khutšišitšego dikholofelo tša gagwe, ke godimo ga Lentšu leo la Modimo le hlatselwago ka go Therešo, se le lego sona. Kgetha ka Lentšu la Gagwe, e sego sehlopha se se ratago tša lefase. Ba hloya leo.

¹⁸⁴ Ga go makatše ge yena a hladile go tloga go Yena, ka gore o fošitše kutollo ya Gagwe, gomme ga a naŋo. Yena ga a mo hlokomele, ka tsela ye a itshwarago le go dira, le gore o na le dilo tše kae tša bofefase le.

¹⁸⁵ Yena o lebeletše semelo sa gagwe, semelo sa Kriste. Bjale, nakwana feela bjale. Yeo ke yona. Yena o kgetha Monyalwa go bonagatša semelo sa Gagwe, seo dikereke tša sebjalebale lehono ka nnete di foša la Gagwe—la Gagwe lenaneo mo, milione wa dimaele, ka gore ba gana *Le* go ba Therešo. Ka fao e ka kgona go ba bjang? Bjale, Yena o lebeletše letšatši gore Monyalwa yola a dirwe, Baheberu 13:8, feela tlwa go swana le ka fao *E* bego e le ka gona, go swana le ka fao *A* bego a le ka gona. E swanetše go ba nama ya Gagwe ya go swana, marapo a go swana, Moya wa go swana, se sengwe le se sengwe sa go swana, feela tlwa se agilwe godimo, gomme bona ba babedi ka gona ba ba yo motee.

Go fihla kereke e eba seo, ga se bona batee. Semelo sa Gagwe, Lentšú, la lebaka le, le swanetše go kgolokwa. Yena o swanetše go kgolokwa go swana le ka mo Yena a lego.

¹⁸⁶ Bjale, ge re tswalela, ke nyaka go bolela lebaka le ke boletšego dilo tše, gomme ke tla—ke tla tswalela. Bošego bjo bongwe, e ka ba iri ya boraro mosong, ke ile ka tšošetšwa godimo.

¹⁸⁷ Ke tšea yo mongwe le yo mongwe go araba se. A nkile ka le botša eng kapa eng Leineng la Morena eupša se e bego e le therešo? Ka mehla e bile therešo. [Phuthego e re, “Amene.”—Mor.] Ka fao nthušeng, Modimo o a tseba yeo ke therešo. Fa ga go le se setee, kae kapa kae lefaseng, go dilo tše dikete tšeo di boditšwego, mo A kilego a foša lentšú le tee la yona. Ka mehla e tlile go phethega ka go phethagala.

¹⁸⁸ Le bile le ge ke be ke le ka Phoenix, letšatši le lengwe, goba e ka ba ngwaga wa go feta e bile, gomme ke le boditše ka Molaetša wola ka—ka *Ke Nako Mang, Bahlomphegi?* Gomme ke le boditše, “Barongwa ba šupa ba be ba tla kopana ntle kua,” gomme e be go bulwa ga Mahuto a, le eng. Gomme fao ya—ya Life kgatišobaka e be e rwele sengwalwa sa yona, Kgabo ye kgolo e eya godimo ka moyeng, dimaele tše masometharo godimo, dimaele tše masomepedi go kgabaganya. Ba rile ga se ba kgona go dira ntle gore e be e le eng; ga ba tsebe le bjale. Gomme banna ba dutše thwi mo ka moagong wo bošego bjo, ba be ba eme thwi kua le nna ge e be e direga, feela tlwa se E se boletšego. Yena o mpoditše dilo tše di bego di etla go phethega, gomme e diregile feela tlwa. Ka fao le lengwe le le lengwe la Mahuto ao le bulegile, le go bolela diphiri tše di bego di utilwe go kgabola mabaka a batšošoloji le go ya pele, feela ka go phethagala.

¹⁸⁹ Ka fao, ba be ba eme godimo ntlhoreng ya thaba, banna, ba bararo goba ba bane ba bona ba eme thwi mo ba gona bjale, eye, go feta fao. Re be re eya go rotoga thaba, Moya wo Mokgethwa wa re, “Topela lebje lela godimo.” Re be re tsoma. Yena o rile, “Le lahlele godimo ka moyeng, gomme o re, ‘GO RIALO MORENA.’” Ke ile ka dira. Tlase go tšwa kua go tlile phefo ye nnyane ya mojagobedi. Ke rile, “Mo diiring tše masomepedi nne, o tla bona seatla sa Modimo.” Banna ba ba dutšego thwi mo ba le gona bjale.

¹⁹⁰ Letšatši le le latelago, e ka ba ka iring ya lesome, ke be ke eme kua, ka re, “Loka. Tsena ka tlase ga koloi kua,” letšwalaphaga. Ka re, “Selo se sengwe se lokela go direga.” E be e le leratadima la go hlapa, thwi godimo ka molapong wo mogolo. Tlase gwa tla Mollo wa sesaesedi go tšwa Legodimong, feela ka thata ka fao O bego o kgona go goeletša, o thula maboto ka mokgwa woo. Ke—ke be ke eme thwi ka fase ga Wona. Ke ile ka rola kefa ya ka, ke swara hlogo ya ka. O tlile e ka ba dikgato tše tharo goba tše nne bokagodimo ga ka, gomme wa epa molete godimo go dikologa

leboto lela ka mokgwa woo, le go thuthupiša. Gomme wa boela morago godimo ka moyeng, le go dira sesaesedi go dikologa gape, le go tla fase, dinako tše tharo, le bile e ripile dintlhora tša dithokgwa tša menawa ntle, dijarata tše makgolopedi. Ka ba kwa ba latela ba re, “Amene”? Ba be ba le kua ge e direga, le a bona, gomme ya dira methuthupo ye meraro.

¹⁹¹ Ge ba tšwele ntle go tšwa ka tlase ga dikoloi le se sengwe le se sengwe, ba tlile morago godimo, ba re, “Seo se be se tla go itia, fao go be go se lefelo la kirisi.”

¹⁹² Ke ile ka re, “E be e le—E be e le Yena. Yena o be a bolela le nna.” Modimo o bolela ka sesaesedi. Le a bona? Gomme fao go be go le Pilara yela ya Mollo ye e swanago ye le e bonago senepeng, e eme kua.

Gomme ge E ile godimo, ba rile, “Ke eng?”

Ka re, “Kahlolo e ratha Lebopo la Bodikela.”

¹⁹³ Letšatši la bobedi go tloga fao, Alaska e nyakile go nwelela. Le a bona? E rathile gatee, fao, mothunyo wa pele.

¹⁹⁴ Kae, o swanetše go dira selo se sengwe, go e swantšha. Go swana le monna o bea letswai ka legapeng, gomme o le lahlela ka meetseng, gomme a re, “GO RIALO MORENA, a fao go be meetse a mabose.” Gomme se sengwe se setee, Jesu o tšere meetse a gomme a a tšhela ka nkgong, gomme—gomme a dira beine go tšwa go wona.

¹⁹⁵ Le swanetše go ba le selo se sengwe, go swantšha. Seo ke se e bego e le sona, se se ilego godimo ka moyeng le go tla fase. Seo se thomile sesaesedi se sennyane sela. Mo diiring tše masomepedi nne, E ile ya šišinya thaba yohle go fihla e ripa morumo go e dikologa.

¹⁹⁶ Mor. Mna. Blair yo a dutšego mo, ke lebeletše thwi go yena bjale, o be a le godimo kua gomme a topa godimo tše dingwe tša diripa tša yona, le go ya pele. Šo Terry Sothmann, bona, gomme ba eme mo, le Billy Paul. Gomme le banešu, ba bangwe ba ba bantši ba bakhwi ba dutšego ka mo, ba bego ba le thwi kua go e bona e direga ge E e kgeilela ntle.

¹⁹⁷ Yeo ga se nonwane. Yeo ke therešo. Seo e be e se morago ka matšatšing a Beibele. Seo ke bjale. Le a bona? [Phuthego e re, “Amene.”—Mor.] Yoo ke Modimo yo a swanago yo ka mehla a ntaeditšego dilo tše, gomme di tlile go phethega, tlwa go ya go letere. Ga se tša ke tša feila nako e tee. Bjale ke ikgantšha ka Yena.

¹⁹⁸ Dibeke di se kae tša go feta, ke be ke le ka ponong. Gomme ke be ke eme godimo ga—ga lefelo la go phagama, gomme ke be ke swanetše go bona pogelopele ya Kereke. Gomme ke ile ka ela hloko, go tšwa go la ka. . . ke be ke eme kudu go swana le ka tsela ye, ke lebeletše Bodikela. Gomme go tla ka tsela ye e be e le sehlopha sa basadi ba go ratega, moaparo wo mobotse ka

nnete, moriri wo motelele o be o beakantswe gabotse ka morago, matsogo, le dikhethe ka bothakga tlase. Gomme ka moka ba be ba le ka tšhune ya go matšha, go swana le, “Pele, masole a Bakriste, matšhang wa go ya ntweng, ka sefapano sa Jesu se eya pele.” Gomme ge ba fetile kgauswi, ke ile ka ema, gomme fao go be go le Selo se sengwe fao, Moya wo mongwe, e be e le Modimo, gomme o rile, “Monyalwa šole.” Gomme ke ile ka lebelela, gomme pelo ya ka e be e thabile. Gomme O ile a ya go dikologa ka tsela *ye*, gomme a feta go dikologa ka morago ga ka.

¹⁹⁹ Ka morago ga lebakana, ge a etla morago ka tsela *ye*, Le rile, “Bjale kereke ya sebjalebja e tla tla go pogelopele.” Gomme mo go tla kereke ya Asia godimo. Ga se ka ke ka bona sehlopha se se bjalo sa ditšhila.

²⁰⁰ Mo dikereke tše dingwe di tlile godimo, tša ditšhaba tša go fapana. Di be di lebega go befa.

²⁰¹ Gomme ke—ke bolela se ka gore ke tlangwa ke mošomo go bolela therešo, pele ga Modimo. Gomme ge Yena a rile, “Mo go tla kereke ya Amerika bjale, go bogelwapele.” Ge ke ile ka bona sehlopha sa bodiabolo, e be e le seo. Basadi ba be ba apotšwe go ponoka thososo, ka selo sa kgale sa go lebega bosehla, go swana le mokgopha wa tlou. Gomme ba be ba se swere ka pele ga bona, go se karolo ya godimodimo go yona le gatee. Gomme ba be ba dira mohuta wo wa dilo, tše, tše—tše ditantshe tše digotlane di di dirago ntle mo, go menekana mola le dilo, gomme mohuta woo wa mmimo o be o eya pele. Gomme ge ke bone Mohumagatšana U.S.A. a etla godimo, gabotse ke ile ka nyaka go idibala.

²⁰² Bjale, se ke GO RIALO MORENA. Ge le ntumela go ba mohlanka wa Gagwe, ntumeleng bjale. Nka se bolele seo ka lefeela ka lefaseng. Fao ga go tšhelete ya go lekanela ka go lefase ka moka go ntira gore ke bolele seo ge e se therešo.

²⁰³ Gomme ge a etla go feta, e be e le selo sa go lebega tšhilatšhila kudu ke ilego ka se bona. Ke ile ka gopola, “Modimo, ka bothata ka fao bareri le rena baena re šomilego ka maatla go Go hweletša Monyalwa, gomme bjo ke bokoanekaoene kudu re kgonnego go bo dira.” O be a menekana, a swere se ka pele ga gagwe, sa go swana le setee sa dikhethe tše tša hula tša selo, a se swere ka pele ga dikarolo tša gagwe, karolo ya gagwe ya tlase, ka mokgwa *wo*, a tantsha le go menekana go swana le ka mo digotlane tše di dirago ntle godimo go . . . godimo go dipontšho tše tša maroga ba nago le tšona, go menekana. Yoo e be e le mohumagatšana Bokriste wa Amerika.

²⁰⁴ Ka fao nthušeng, ka thušo ya Modimo, yeo ke ka mokgwa wo e lebegago ka gona ka sefahlegong sa Gagwe. Ke—ke no . . . ke thoma . . . nkabe ke idibetše. Ke ile ka gopola, “Ka moka go leka, le go rera, le go phegelela?” Yo mongwe le yo mongwe yo motee wa bona ka moriri wa go kotwa, gomme ba be ba menekana le go ya pele, ba swere se ka pele. Ba tlile go dikologa, moo ke bego ke

eme fao le Sephedi se sa ka godimo ga tlhago. Ke be ke sa kgone go Mmona. Ke be ke no Mo kwa a bolela le nna; o be a le thwi tikologong ya ka. Eupša ge ba retologetše ka tsela *ye*, ba swara *se*. Gomme ba no menekana le go sega le go ya pele, ba tšwela pele ka mokgwa wo, ba swere *se* ka pele ga bona.

205 Bjale, nna ke be ke eme ka Bogoneng bja Gagwe kua, le mohlanka wa Gagwe. “Gomme ka moka ke go lekilego, bjoo ke bokaone bjo ke kgonnegogo bo dira?” Ka gopola, “Modimo, ke botse bofe e bo dirilego go nna? Ke botse bofe e bo dirilego? Ka moka go lla, le go kgopela, le go phegelela, le maswao a magolo le dimaka le mehlolo ye O e laeditšego. Gomme ka fao ke emego kua, le go ya gae le go lla ka morago ga go rera go bona le dilo, gomme ke botse bofe e bo dirilego go nna? Gomme ka gona ke swanetše go tliša selo sa go swana le se go Wena, go ba Monyalwa?”

206 Gomme ge ke sa eme fao, ke lebeletše, a feta kgauswi. Gomme o ka kgona go eleletša karolo ya ka morago ya gagwe, e se ya apara selo, a swere *se* ka pele ga gagwe ge a be a eya ba bina ka go swana ba feta, ka mokgwa woo, go menekano ye, a fošetša matsogo a gagwe ntle ka mokgwa woo. Gomme, yena, oo, e be e le mahlapa, ka fao a bego a tšwela pele, mmele wa gagwe o be o o šišinyega go dikologa ka mokgwa woo. Bjale ka . . .

207 Le re, “A e ra go reng, Ngwanešu Branham?” Ga ke tsebe. Nna ke no le botša se ke se bonego.

208 Gomme ge a fetile kgauswi ka mokgwa woo, ke ile ka mo lebelela. Oo, ke ile ka hwetša go idibala ka nnete. Ke ile ka no retologa go dikologa. Ka gopola, “Modimo, ke ahlotšwe. Fao—fao ga go bohlokwa go nna go leka ye e itšego bjale. Le nna nka no tlogela.”

209 Mdi. Carl Williams, ge o dutše mo, gomme toro yela o mpoditšego ka yona, lebakana la go feta, ye o bilego nayo bošego bjo bongwe, yeo e bego e go tshwenya, a šeo. Seterebelo se tšerwe go tloga seatleng sa ka.

210 Ka gona, ke ila ka no gopola. “Ke—ke a tlemega le nna go lebala ka yona.” Ke be ke ile.

211 Ka gona, ka moka gatee, ka E kwa a etla gape. Gomme go tla godimo ka lehlakoreng *le* gwa tla Monyalwa yo a swanago yo a ilego go dikologa ka tsela *ye*. Fa go tla bona bahumagadi ba bannyane gape, gomme yo mongwe le yo mongwe yo motee wa bona o be a apešitšwe ka go seaparo sa setšhaba sa gabo bona go tšwa fao ba tšwago, go swana le Switzerland, Germany, le go ya pele, yo mongwe le yo mongwe a apere mohuta woo wa seaparo, ka moka moriri wo motelele, feela tlwa go swana le yo motee pele. Gomme mo ba be ba etla, ba sepela. “Pele, masole a Bakriste, matšhang bjalo ka go ya ntweng.” Gomme ge ka moka ba fetile kgauswi ka pogelopele re eme mo re bego re eme, feela ka moka

gatee, leihlo le lengwe le le lengwe le ile ka tsela yela. Gomme ka gona ba ile ba bowa morago, gomme ba ya pele, ba matšha.

212 Gomme feela ge ba thomile go ya thwi godimo ka mafaufaung, yo mongwe yo motee a ya godimo mafelelong a thaba gomme a ya tlase, ka mokgwa *woo*.

213 Ba ba ile ba thoma go matšhetša go ya godimo ka mafaufaung. Gomme ge ba ile go matšha, ke ila ka ela hloko sehlophana sa basetsana ba bannyane ka morago, ba be ba lebega gore e be e ka ba basetsana bašele, go swana le Sweden goba Switzerland, goba felotsoko. Ba ile ba thoma go lebelela go dikologa, gomme ba tšwa. . . Ka re, “Le se ke la dira seo! Le se ke la tšwela ka ntle ga setepe seo!” Gomme ge ke goelela ka mokgwa *woo*, ka tla go, ka ponong, ke be ke eme kua ka seatla sa ka ntle ka mokgwa *woo*. Ka gopola, “Go lokile. . .”

214 Ke ka baka le ke boletšego se ke swanetšego, bošego bjo. Ke nyaka go le botšiša potšišo. A ke llatalata go feta ka mo re naganago? A Yena a ka be a šetše a biditšwe le go kgethwa, le go tswallelwa? Fao go ka se be le yo motee wa go oketša yo motee, le a tseba. A go ka kgonega? Oo, ya. Oo, ya.

215 Elelwang se ke se boletšego, letšatši le lengwe difihlolong. Ka go modula wa go tswalanya tona le tshadi, fao go milione wa dipeu tša bonna o yago pele, mae a milione a ya pele. Eupša fao go e tee feela ya tšona e phelago, gomme, go le bjalo, ka moka ye nngwe le ye nngwe ye tee di no swana: ye tee go tšwa go milione. Le lengwe le le lengwe le tee la wona, lee le le swanago le mohuta wo o swanago wa peu ya bonna. Ye tee ya tšona e a phela. Tšohle tša tšona di a hwa.

216 Ga go yo motee a ka kgonago go bolela gore ke lefe le letee e lego lee le le budulego, gomme, oo, go reng ka lona. Modimo o swanetše go tšea sephetho ka leo, ge eba e ya go ba mošemane goba mosetsana, hlogopudutšwana goba hlogoswana, goba eng kapa eng e yago go ba. Modimo o tšea sephetho ka seo. E sego ye tee ya mathomo e kopanago, eupša ye tee ya mathomo Modimo a tšerego sephetho. Mohlomongwe ye tee e tla godimo *mo*, gomme ye tee. . . Ge le kile la ela hloko, ka gare ga lethompo la teko, go di bona di etla mmogo. Ke ile ka e bogela. Modimo o swanetše go tšea sephetho ka yeo. Ye tee, ye nngwe le ye nngwe ye tee ya tšona, go no swana, eupša ka kgetho. Tswalo ya tlhago ke ka kgetho. Modimo o tšea yo motee go tšwa go milione.

217 Ge Israele e tloga Egepeta, tseleng ya bona go ya nageng ya tshepišo, ba be ba ka ba milione tše pedi tša batho. Yo mongwe le yo mongwe yo motee wa bona o be a le ka tlase ga kwana ya go swana ya sehlabelo, goba ba ka be ba se ba phela. Yo mongwe le yo mongwe yo motee wa bona o theeditše Moshe, moporofeta. Yo mongwe le yo mongwe yo motee wa bona o kolobeditšwe go yena, ka gare ga Lewatle le Lehubedu. Yo mongwe le yo mongwe yo motee wa bona o tantshitše, basadi le Miriamo, godimo le fase

ka thoko ga (ge) leši la lewatle, ge Modimo a fedišitše lenaba. Yo mongwe le yo mongwe yo motee wa bona o be a eme le Moshe, gomme a mo kwa a opela ka Moya. Bona, yo mongwe le yo mongwe yo motee, a ja manna go tšwa lešokeng, ao a welego fase go tšwa Legodimong. Manna a maswa, bošego bjo bongwe le bjo bongwe, e lego seswantšho sa Molaetša, yo mongwe le yo mongwe yo motee o ja go tšwa go wona. Eupša, go tšwa go milione tše pedi, ke ba bakae ba e dirilego? Ba babedi. Yo motee go tšwa go milione.

218 Fao go na le e ka ba milione tše makgolotlhano tša Bakriste lefaseng bošego bjo, go bala Makatoliki le ka moka. Milione tše makgolotlhano ba ba bitšwago badumedi lefaseng. Ge Tlhatlogo e etla bošego bjo, seo se tla ra gore . . . ge yo motee go tšwa go milione e be e le palo. Ga ke re ke yona. Eupša ge e be e le yona, batho ba makgolotlhano, ka go diiri tše masomepedi nne tše di latelago, ba tla be ba timeletše. Le bile o ka se kwe ka yona. Fao go tla ba ba bantši bao ba timeletše, le ge go le bjalo, bao le bile go ka se tsebje ka bona.

219 Ka gona go ka kgona go ba, gwa direga go rena, mogwera, go swana le ge go diregile ge Johane Mokolobetše a tlile. Le barutiwa ba rile, “Ka baka la eng Mangwalo a bolela, ka baka la eng ba—baapostola goba baporofeta ba re, ka baka la eng e re Eliase o swanetše go tla pele le go bušetša dilo ka moka?”

220 O rile, “Ke re go lena gore Eliase o šetše a tlile, gomme ga se la ka le e tseba.”

221 Le letee la matšatši re ka kgona go tlogelwa re dutše mo, “Go reng ka Tlhatlogo pele tlaišego e dula ka gare?”

“E šetše e tlile gomme ga se la ke la e tseba.”

222 Mmele ka moka, o tswalletšwe ka gare, feela go no O boloka ka setepeng. Ga ke re go ka tsela yeo. Ke a holofela ga go ka tsela yeo. Eupša, mogwera, ge e tlogela . . .

223 Ge re na le go kwa ka pelong ya rena, bošego bjo, gore re swanetše go otlollela maphelo a rena godimo, le dilo tše re di dirilego, a ke le eletšeng, bjalo ka modiredi le ngwanešu. Ke ya go bolela se nako ya ka ya mathomo, godimo ga phuluphithi. Ke ngangetše ntle kgolekgole bošego bjo, ka *Le*, go feta ka fao ke bilego ka eng kapa eng gape, nako efe kapa efe, bjang kapa bjang, pele ga setšhaba, ka gore ke bile le tokologo ye kgolo ka dikopanong tše. Ge le ntumela go ba moporofeta wa Modimo, le tla theetša se ke le boditšego sona. Ge fao go le kgwatho ye nyane ya maikutlo ka pelong ya gago, eya go Modimo thwi bjale. E dire.

224 Emang motsotso feela, banna. Lebelelang dithutotumelo tša lena—tša lena tše le di direlago. Lebelelang ka dikerekeng tša lena. A ke tlwa le Lentšu la Modimo? A le kgotsofaditše maswanedi a mangwe le a mangwe? O re, “Ke nna monna wa go loka.” Ka fao Nikodemo e be e le yena, gomme ka fao ka moka

bohle ba be ba le. Ba—ba be e le ba bakaone. Le a bona? Seo ga se na le selo go dira le Lona.

²²⁵ Gomme, mosadi, ke nyaka gore o lebelele ka seiponeng, gomme o lebelele se Modimo a nyakago mosadi a se dira. Gomme o bone ka seiponeng sa Modimo, e sego ka seiponeng sa kereke ya gago bjale, ka seiponeng sa Modimo; gomme o bone ge o ka kgona go ba le maswanedi a go ba, ka bophelong bja gago, Monyalwa wa Jesu Kriste wa semoya.

²²⁶ Badiredi, naganang sa go swana. A o kgaoletša dikhona *mo*, go boloka dikwi tša yo mongwe godimo ka mošola? A o be o ka dira se ge e be e se. . . gomme ba tla go beela ka ntle ga kereke? Ge o ikwela ka tsela yeo, ngwanešu morategi, a ke go sebotše, Leineng la Jesu Kriste, tšhaba go tloga go seo thwi bjale.

²²⁷ Gomme, mohumagadi, ge o sa kgone go ela go maswanedi a Mokriste, e sego bjalo ka Mokriste wa setlwaedi; eupša ka pelong ya gago, le bophelo bja gago bo beakantšwe tšwa go swana le ka mo setefikeiti sa lenyalo sa Modimo mo se rego bo swanetše go ba.

²²⁸ Gomme, leloko la kereke, ge kereke ya gago e se ka mokgwa woo, e kgonago go ele go fihla go maswanedi a Modimo a Lentšu la Gagwe, tšwela ka ntle ga yona gomme o tsene ka go Kriste.

²²⁹ Ye ke tšhebotšo ya semodimo. Ga re tsebe gore nako mang, le wena ga o tsebe gore nako mang, toropokgolo ye letšatši le letee e ya go be e robetše ntle mo ka tlase ga lewatlekgolo le.

²³⁰ “Oo, Kapernaume,” go boletše Jesu, “wena yo a phagamišitšwego ka legodimong, o tla tlišwa tlase heleng. Ka gore, ge nkabe mediro ye maatla ye e dirilwe ka Sodoma le Gomora, e ka be e sa eme go fihla letšatši le.” Gomme Sodoma, Gomora e robetše ka tlase ga Lewatle la go Hwa. Gomme Kaperernaume e ka tlase ga lewatle.

²³¹ Wena toropokgolo, ye e tleimago go ba toropokgolo ya Barongwa, yo o iphagamišeditšego ka bowena ka legodimong, gomme wa romela ka moka tša ditšhila, dilo tša tšhila tša difešene le dilo, go fihla le dinaga tša ntle di etla mo go topela godimo tšhila ya rena le go e romela kgole, go dikereke tša gago le bogodimo bja mafekefeke, le go ya pele, ka tsela ye o dirago. Ellewa, letšatši le letee o tla be o robetše ka fase ga lewatle, lemapo le legolo la gago ka tlase ga gago thwi bjale. Bogale bja Modimo bo a kgeba thwi ka tlase ga gago. Ke botelele bjo bokae A tla swarago leboto le la lešabašaba le lekeletšego ntle godimo ga yeo? Ge, lewatlekgolo lela ntle godimo, botebo bja maele, le tla thedimogela ka kua, godimo morago go Lewatle la Salton. Go tla befa kudu go feta letšatši la mafelelo la Pompeii. Sokologa, Los Angeles.

²³² Sokologang, bohle ba lena, gomme retologelang go Modimo. Iri ya bogale bja Gagwe e godimo ga lefase. Tšhabang ge go sa le nako ya go tšhaba, gomme tlang ka go Kriste.

A re rapeleng.

²³³ Morategi Modimo, ge, ka moyeng wa ka, go a roromela, pelo ya ka e wiša marotholodi a megokgo ya tshebotšo. Efa, O Modimo, gore banna le basadi ba ka se ke ba nagana ka se ke se boletšego bjalo ka motlae, gomme batho ba kereke ba ka se ke ba nagana ka sona bjalo ka selo se sengwe se e bego e le sa kahlolo pele goba kgahlanong le bona. A nke ba bone, Morena, ke lerato.

²³⁴ Wena o mpeela bohlatse, Ramaatlakamoka Modimo, gore godimo le fase lebopong le ke ile, ngwaga ka morago ga ngwaga, ke kwatša Lentšu la Gago. Mpeele bohlatse, O Modimo, ge e ka direga bošego bjo, ke boletše Therešo. Wena o a tseba pono ye ya Monyalwa ke Therešo. Ke tšere Leina la Gago ka yona, Morena, gomme rile e be e le GO RIALO MORENA. Gomme ke a ikwela gore ke na le temogo, Morena, ya se ke se dirago.

²³⁵ Ka fao ke rapela Wena, Morena, Leineng la Jesu, a nke batho ba itšhišinye ka bobona, bošego bjo, gomme ba tšhabe go tloga go bogale bjo bo tlogo, ka gore Letago le tlogile go ngwadilwe godimo ga mejako le godimo ga ditšhaba. Leswao le lesa la tšheke le tlile go se kgabaganya. Moya wa Modimo o nyamišitšwe go tloga go tšwa go sona, gomme ba etšwe ka go dielaboima gomme ba hweditšwe ba hloka. Mokete wa Nebukadinetsara o boeleditše gape, ka diphathi tša botagwa le basadi ba go apara boripana, ba ipitša ka bobona Bakriste.

²³⁶ O Modimo wa Legodimo, eba le kgaogelo godimo ga lefase la sebe le batho ba sebe, Morena, bjalo ka ge re le bona bošego bjo. Modimo, ke leka go ema ka sekgaleng le go kgopela kgaogelo ye Kgethwa, gore O tla bolela ka go lešaba le bošego bjo le go biletša Monyalwa wa Gago go šedi, Morena, go matšha e sego ka leswao la thutotumelo ye e itšego, eupša ka modumo wa Ebangedi ya Morena Jesu Kriste. E fe, O Modimo. A go tsebje, bošego bjo, gore Wena o Modimo, gomme Lentšu la Gago ke Therešo. Ge, ka semodimo, ka sefahlegong sa batho ba, re ba biletša go šedi ya Lentšu la Gago.

²³⁷ Leineng la Jesu Kriste, ke a ba rapelela, Morena. Ba Go bone, ka godimo ga morithi wo o itšego wa go kamaka, o sepela go kgabaganya mašaba a bona le go ba botša se se lego ka pelong tša bona. Gomme o a tseba, Morena, gore, thwi bjale, ke eng se se yago pele. Wena o tseba seo go ba Therešo, O Modimo. Gomme ke rapela Wena, Leineng la Jesu, a nke Moya wo Mokgethwa o boelanye gape, Morena, gomme o goge go tšwa go batheeletši ba, Morena, bao ba ngwadilwego ka Pukung ya Kwana ya Bophelo. E fe, O Modimo. Ke rapela ka pelo ya ka ka moka.

²³⁸ Batho ba, ka tlhago, Morena, ba ka mpha pene ya mafelelo ba bilego nayo, go thekga Molaetša. Ba ka dira eng kapa eng ba bego ba ka e kgona. Eupša, O Modimo, ge go etla go sepela le Wona, le go tla ka go Wona, ke a rapela, Modimo, gore bjo e

tla ba bošego bjo O tlogo go ba putsa le go tšhela tlase Moya wo Mokgethwa wa Gago godimo ga khonferentshe ye. Gomme a nke fao go se be go thantshelwa goba go taboga go dikologa, eupša go golola le go lla, le go sokologa, go swara godimo ga dinaka tša aletara, ge re bona kahlolo e tatologa ka fase ga rena, bošego bjo. E fe, Modimo. Ke a rapela ka tlhokofalo ka mo ke tsebago gore bjang, Leineng la Jesu Kriste.

²³⁹ Ngwanešu wa ka, kgaetšedi, ga—ga ke tsebe gore ke eng go fetiša nka se bolelago, ge ke hweditše mogau ka sefahlegong sa gago, ka maatla a Modimo, ge o ntumela go ba moporofeta wa Gagwe. Ye ke nako ya mathomo phatlalatša ke ilego ka bolela seo. Eupša ke kwa tšhebotšo ye maatla ya mohuta wo mongwe. Ga ka fola go se. Le a tseba ga ka dira. Ga ke dire ka mokgwa wo. Ke kgokgonne go bolela Molaetša wola le go bolela dilo tšeo. Ke kitima ditsela ka mahlakoreng le se sengwe le se sengwe gape, go tloga go se direng. Eupša O boletšwe, gomme O tla ema ka Letšatši la Kahlolo, bjalo ka hlatse gore ke boletše Therešo. Seo ke GO RIALO MORENA MODIMO! . . . ? . . .

²⁴⁰ Oo, Pentecost, tšhabišang bophelo bja lena. Tšhabelang dinakeng tša aletara gomme le llele ntle, pele go eba llata kudu, ka gore iri e tla tla ge o tla kgona go lla gomme e ka se go dire botse. Ka gore Esau o nyakile go hwetša lefelo, la tokelo ya gagwe ya tswalo, gomme ga se a ke a kgona go le hwetša. Ke a go gafela, oo, California. Oo, khonferentshe ya Banna ba Kgwebo ba Full Gospel, ba ke ba ratago, bao ke tlogetšego gomme ka ba kgomarela, ka pelo ya ka ka moka, ke le gafela go Jesu Kriste, bošegong bjo. Tšhabelang go Yena! Le se ke la dumelela diabolo a le tšidifatša go tšwa go Wo. Dulang thwi le Wona go fihla le, yo mongwe le yo mongwe yo motee, le tlatšwa ka Moya wo Mokgethwa, kudu go fihla, o tla le dira gore le tle go Lentšu le, le le tlogo go dira lena basadi le otlollelwe godimo, le le tlogo go dira lena banna le otlologe le godimo. Ge o ka re o na le Moya wo Mokgethwa, gomme o sa sepele le Lentšu, ke moya wo mongwe ka go wena. Moya wa Modimo o godimo ga Lentšu la Gagwe, Semesia, Lentšu le le tloiditšwego. Monyalwa o swanetše go ba Mesia yo monnyane, Lentšu le le tloiditšwego.


²⁴¹ A re emeng ka maoto a rena, Leineng la Morena Jesu Kriste. Ge le sa kwe lentšu la ka gape. . . Eupša, Modimo ge a rata, ke tloga go ya Afrika, ka diiring di se kae. Nka no se tsoge ka bowa. Ga ke tsebe. Eupša ke a le botša, ka pelo ya ka ka moka, ke le boditše Therešo. Ga se ka tšhaba go bolela go lena se sengwe le se sengwe se Modimo a mpoditšego gore ke se bolele. Gomme ke Se boletše Leineng la Morena.

²⁴² Ka nako ya bomodimo. Ga ke tsebe gore nka e hlagiša bjang. Ke lekile go tlogela phuluphithi dinako tše tharo goba tše nne, gomme ga ke kgone go e dira. Ye ke iri ya bomodimo. Le se ke la tsoge la e lebala. Ye ke nako yeo, mohlomongwe, Modimo a ka be a dira pitšo ya Gagwe ya mafelelo. Ga ke tsebe. O tla dira pitšo ya

Gagwe ya mafelelo, letšatši le lengwe. Neng? Ga ke tsebe. Eupša ke a le botša, go ya ka pono yela, go lebeга o ka re Monyalwa o kgauswi le go fetšwa.

²⁴³ Lebelelang dikereke tša mehleng di tla ka gare. Ge kgarebe ye e robetšego e etla pele go hwetša Oli, o feitše go E hwetša. Monyalwa o ila ka gare. Tlhatlogo e ile godimo. “Ge ba sa ile go reka Oli, Monyadi a tla.”

²⁴⁴ A le robetše? Tsogelang godimo, ka pela, gomme le tle go bolena. Gomme a re rapeleng, yo mongwe le yo mongwe yo motee wa lena, mo o ka rego re be re ehwa ka motsotso wo, Leineng la Morena. A re, yo mongwe le yo mongwe yo motee, rapela ka tsela ya gago mong.

²⁴⁵ Modimo Ramaatlakamoka, e ba le kgaogelo godimo ga rena. Morena, eba le kgaogelo godimo ga ka. Eba le kgaogelo godimo ga rena ka moka. Ke botse bofe e bo dirago, ga go kgathale se re se dirago, ge re feila ka go dilo tše? Ke a ema gomme ke kgopela kgaogelo, O Modimo, pele toropokgolo ye kgolo ye e nwelela ka tlase ga lewatle gomme kahlolo ya Modimo e swiela lebopo le. Ke a rapela, Modimo, gore O tla bitša Monyalwa wa Gago. Ke ba gafela go Wena bjale, Leineng la Jesu Kriste. Amene. 

GO KGETHA MONYALWA NST65-0429E
(The Choosing Of A Bride)

Molaetša wo ka Ngwanešu William Marrion Branham, setlogong o abilwe ka Seisimane ka Labone mantšiboa, Aporele 29, 1965, wa khonferentshe ya Full Gospel Business Men's Fellowship ka Biltmore Hotel ka Los Angeles, California, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org